



ル 5
3123
4



門 九 九
種 1375
卷 4

門 九 5
號 3123
卷 4



西藏圖考卷之七

楚南黃沛翹壽苦甫手輯

滇南李培榮華廷甫付梓

河間李文江蓉航甫同校

西藏藝文考上

噶爾弼平定西藏疏奏稿搜輯無多暫附藝文俟續集當別其名曰奏議

為定取詔地事從前將拉里地方攻取奏聞臣等領兵

暫且在拉里地方喂養馬匹住扎與平逆將軍約會再行

進取詔地在案我們差往打聽信息之人回來稟稱竹工

之胡土克圖迎來歸順今推木品宰桑帶領準噶爾之兵

六百名蠻兵二千名在於噶兒招母倫之渡口堅守墨竹
工卡章名兒自榮所前來與我們之兵對敵聞聽竹工苦
圖克免暫行歸順臣卽與眾人商議我們若住扎仍等約
會日期倘或推木品前來將噶兒招母倫之渡口墨竹工
卡監守將歸順我們之人俱驚怕更變則坐守事務必致
有悞我們卽行起身俟推木品未能措及之先不若將墨
竹工卡噶兒招母倫之渡口攻取再等候西甯之兵一同
前進如此議定卽將滿漢兵內挑選三十名扮爲唐古特
之人先行差往打探信息此際工布之磔巴等親身前來
稟稱我等遵奉將軍之令帶領工布兵二千名在於工布

加木打地方下營情願一同効力等語臣等逐一賞明令
千總趙儒磔巴集古爾將銀緞等物拿去前往工布加木
打地方將工布之兵逐一賞賜八月十六日在於墨竹工
卡地方約會已復差去臣等帶領滿漢官兵於八月初六
日自拉里起身到工卡爾拉地方竹工之胡土克圖將伊
地方人口數目冊籍呈送迎來歸順已到竹工地方據我
們從前差去之滿漢兵稟稱墨竹工卡兒地方有唐古特
之兵榮梭蒙古兵共有千餘名俱行安營竝無推木品之
兵信息次日起身至墨竹工卡地方據前行之先鋒稟稱
前邊扎營之賊聞我們之兵到來俱行撤散現今彼處無

西苑圖考卷之七
兵等語因此_臣等卽行前去將墨竹工卡攻取磔巴達哇等俱行賞賜安民據差往噶兒招母倫渡口驗看船隻之通事查錯阿喇木巴等稟稱渡口無有船隻問村庄人等俱回稱船隻俱被磔巴打克渣收去推木品宰桑找獲車零敦多布已回當木地方渡口等處磔巴打克渣會積聚二三千名蠻兵扎營聞知大兵取了墨竹工卡地方兵丁俱已潰散磔巴打克渣情願逃往沙漠地方_臣等卽差千總趙儒磔巴集古爾前往磔巴打克渣曉諭爾原受

聖恩之人今

聖主廣施法教救護唐古特之人差兵前來是爲爾等速行歸順

如若仍然兩意不順卽差兵將爾拏來問罪如此差去磔巴打克渣自沙漠野地方又潛逃回家前往搜尋明白曉諭如不歸順卽行拏訊因此磔巴打克渣同趙儒集古爾一同調噶兒招母倫前來歸順接續喇嘛中古兒達旺等相繼歸順前來看來此處唐古特俱甚是恭敬磔巴凡事俱遵磔巴打克渣指使行事因此將磔巴打克渣暫行欵待令其在我們營中駐扎探聽準噶爾賊人信息俱前往達嗎哈喇烏蘇等處地方接我們西甯一路兵馬前去伊等所食糧餉俱係磔巴打克渣自詔地攢湊送去詔地準噶爾之喇嘛甚多此內亦有車零敦多布甚是靠用之人

磔巴打克渣雖經歸順不可信服臣等僉議得詔地地方乃準噶爾賊人根基我們速行由噶兒招母倫過去攻取詔地將伊巢穴佔住四面路口堅守斷賊來路準噶爾調來之唐古特兵丁暗地差人前去令之各散挑選兵馬迎接西甯一路之兵前來幫助使準噶爾之賊兵首尾不能相顧合力易於勦滅令磔巴打克渣傳聚皮船於八月二十三日過河卽分隊令二等侍衛那沁郎中鄂理等帶領滿漢官兵作第一隊臣與都統五哥帶領滿漢官兵作第二隊副都統吳那哈總兵官趙坤馬曾伯等帶領滿漢官兵作第三隊於二十三日五更進兵將詔地攻取詔地所

有大小磔巴等布來朋等寺廟之喇嘛聚集將

聖主廣施法教救護圖伯忒愛蠻眾民之至意宣諭眾磔巴民人

喇嘛俱跪稟蒙

聖主之恩享受安逸自準噶爾人等前來將我們遭害以致殘壞

天朝大兵到來我們眾唐古特愛蠻人等得復見天日紛紛歡

悅舉掌叩首臣等將詔地所有之達賴喇嘛倉庫盡行封

謹住於詔地堅固地方安營於相通四面道路俱派兵堅

守斷絕準噶爾往來之人運糧道路又爲唐古特字樣用

磔巴打克渣印信將車零敦多布處所有唐古特之兵暗

地差人前去令其各散派綠旗官兵前往噶爾旦色喇布

來朋等廟內有喀木布等曉諭準噶爾刺麻準噶爾刺麻等幫護車零敦多布毀壞法教將唐古特人等殘燬爾等卽行舉出與爾等出家之人無涉若隱藏一名俱歸罪於伊等因此三個廟內喀木布眾刺麻將廟內所有一百一各準噶爾刺麻舉出內有爲首者五名刺麻磔巴打克渣各廟堪布等俱稱伊等係車零敦多布甚是靠用之人詢問此五名刺麻卽行斬戮其餘九十六名準噶爾刺麻盡行收禁詔地監內臣等挑選滿漢兵整頓馬匹卽前往迎接平逆將軍延信之兵幫護合力剿滅賊寇外爲此謹奏

大學士福康安等摺

乾隆五十七年

查唐古特兵原設有五千一百六十五名之數其實數應名毫無紀律今請額定數目於前後藏各設番民一千名定日江孜安設番兵各五百名卽於就近挑補前藏原設戴琿三人以二人駐後藏以一人駐定日再添戴琿一人駐江孜於戴琿五名外設立如琿十二名甲琿二十四名定琿一百二十名俱由駐藏大臣會同達賴刺麻揀補遇有缺出層次遞升不准躐等超越番兵每名歲給青稞二石五斗共計歲需青稞七千五百石遵旨於沙瑪爾巴莊田及丹津班珠爾之子呈繳莊田又仲巴田地四塊所收青稞竝於沙瑪爾巴各物變價內酌撥銀兩作

西番圖考卷之七
五
爲開懇地畝之費所用鳥鎗刀矛於查抄沙瑪爾巴案內撥給所用弓箭卽以抄案內牛廠所收酥油價銀製辦給發各番兵照票免其本身徭役戴琫六名各給莊田一分如琫每名歲給銀三十六兩甲琫每名歲給銀二十兩定琫十四兩八錢以上銀兩均於前藏商上支發令該管將備按期認真教演駐藏大臣於巡查之便親爲較閱分別勸懲駐防俱以所管番兵優劣由駐藏大臣分別等第於三年滿班時咨部優等者咨送將軍總督提督保題仍照舊例升用次等者祇准咨部議敘毋庸升用劣等者卽行參革並嚴禁將弁毋許欺凌番兵及私行役占以實營伍

其濟隴聶拉木札木地方無庸安設番兵防守又籌議衛藏章程自後噶布倫缺出於戴琫及商卓特巴仔琫內揀選戴琫缺出先儘如琫選用如不得其人於邊缺營官揀選以上均係駐藏大臣會同達賴刺麻擬定正陪請

旨補用

其理財之商上主庫之致琫商卓特巴缺出以管口糧之業爾倉管刑名之協爾幫噶厦大中譯及濟仲刺麻升補其業爾倉協爾幫缺出以分管前藏地方之希約第巴郎仔轄第巴管馬廠之達本升補希約第巴等缺出以大缺邊缺營官調補及噶厦卓尼爾升補業爾倉巴布約第巴內有刺麻者亦准以刺麻補用大中譯以小中譯噶厦卓

西苑圖考卷之十一
六
尼爾升補大缺營官缺出以小缺營官調補及小中譯補放官兵甲琿亦准調補邊缺營官惟小缺營官始准於東科爾及刺麻內揀用所有營官缺分應行詳悉查明大缺邊缺小缺寫立冊檔存案以便遵守其刺麻補放營官者多係達賴刺麻隨侍之人因其勤勞年久不能遠離酌派管地方藉資養贍雖難概行禁絕然亦須由駐藏大臣另派妥當之員前往該刺麻營官不得私行派人噶厦小中譯卓尼爾亦應揀東科爾心地明敏者挑補以上各缺均由駐藏大臣會同達賴刺麻挑選給發清漢字番字應照為據此外如管門管草管糶管帳房管牛羊廠頭人均

應聽達賴刺麻自行揀補至札什管事者皆係刺麻向無等級嗣後商卓特巴缺出以歲琿刺麻森琿刺麻升補歲琿以濟仲升補森琿以傳事卓尼爾升補以上各缺及營官均照前藏之例由駐藏大臣會同班禪補放給照 又奏善後章程 一藏內諸務應統歸駐藏大臣管理也向來駐藏大臣惟資坐鎮不復預聞以致藏務日就廢弛嗣後駐藏大臣除上山瞻禮外其督辦藏內事務應與達賴刺麻班禪額爾德尼平等自噶布以下番目及管事刺麻分係屬員事無大小均應稟命辦理至札什倫布一切公事亦令歲琿堪布一體稟之駐藏大臣辦理庶衛藏事權

歸一積弊可以永除 一藏內大小番目缺出應行定立等級統歸駐藏大臣會同達賴刺麻秉公揀放也查噶布倫辦理一切事務戴琫管領番兵商上仔琫商卓特巴係總司出納以上各缺尤關緊要不可越次升補卽大缺邊缺營官管理民事亦須秉公拔補以次升轉庶大小番目皆能得人營求賄屬之弊均可不杜自絕 一達賴刺麻班禪族屬一概不准管事以杜弊端也從前達賴刺麻之叔阿古拉班禪之父巴勒丹敦珠布私行定議說和而達賴刺麻兄弟根敦札克巴等倚藉聲勢妄爲滋事嗣後大小番目及管事刺麻均不得以達賴刺麻班禪族屬挑補

應俟達賴刺麻班禪轉世後准將前輩親族量才錄用以昭公允 一駐藏大臣每年應親身巡查邊界以重地方也查後藏江孜定日新設番兵濟隴聶拉木等處現已立定界址請於春秋兩季駐藏大臣奏明輪流住後藏操演番兵巡視邊界至駐防官員苦累兵番准具呈控隨地查辦駐藏大臣所用烏拉俱令自行給價以示體卹 一駐藏文員應請添設也查後藏竝無文員今改定一切章程需員稽查添設番兵亦有支放口糧等事而前藏鼓鑄銀錢尤關緊要應請於同知知州知縣內添派監造銀錢後藏亦添設縣丞等官一員支放番兵口糧所有後藏管糧

佐貳應得分例及更換年限竝邊俸報滿保題之處俱照向例辦理惟前藏添設糧員以到藏日起一年一換以便按年稽查銀錢成色如果勤慎出力由駐藏大臣保奏倘敢徇私舞弊卽行參劾辦理 一駐藏大臣衙門及文武各員酌定聽差兵數以實操防也應請嗣後駐藏大臣衙門應差兵丁每人三十名遊擊一員兵八名都司兵六名守備兵四名駐藏司員兵四名筆帖式兵二名千把總每員兵一名前藏糧員看庫兵丁八名其新設之前後藏文員毋庸給與兵丁統計不過百餘名而止每遇操演日期仍著一體操演毋許藉口應差致有曠廢

軍機大臣阿桂等摺 乾隆五十八年

奏稱福康安等奏藏內善後事宜前次酌議各條外尚有應行辦理章程一摺奉

硃批軍機大臣會同大學士九卿詳議具奏欽此

臣等謹就各條

逐一悉心酌議分別於後 一達賴刺麻班禪與外番通信應告知駐藏大臣詳細商酌一欸嗣後各外番部落差人來藏者均應如福康安等所奏由邊界營官查明人數稟明駐藏大臣驗放進口竝令江孜定日駐劄備弁實力稽查具呈達賴刺麻等稟帖應呈送駐藏大臣譯閱酌定諭帖發給查點人數再行遣回其噶布倫等不准私相往

來暗通信息違者參革以示懲儆 一各處邊境均應設立鄂博以清疆界一欵查西藏邊界各處向無界址今福康安等奏稱於濟隴外之熱索橋聶拉木外札木地方之鐵索橋絨轄等處均已設立鄂博等語俱係欽遵

諭旨辦理

周妥嗣後仍令駐藏大臣於巡視之便加倍認真查察不得日久懈弛 一邊界營官應揀選妥幹之人補放竝應照內地邊俸之例酌定年限升擢一欵據福康安等奏稱邊界地方向來稍能辦事營官因該處氣候惡劣冰雪較早皆願在前藏當差將闕冗無能者派往以致滋弊嗣後補放邊缺營官於小缺營官及營兵之甲琿番目內擇

其幹練者調補如果到任三年辦事妥善駕馭得宜卽行調回記名以戴琿等缺升用如有辦理不善之處立卽革退等語應如所奏嗣後補放邊缺營官卽照此秉公甄拔以示勸懲 一嚴禁襲充番目以勵人材一欵查東科爾子弟不下數千人勢難更張舊制前已酌定章程如充當番兵果能奮勇出力卽非東科爾亦准其洊升戴琿其餘辦事之番目於東科爾內擇其端詳歷練之人按等補用但不准襲充伊祖父職分以致冒濫亦必須年至十八歲以上方准當差不得以幼小之人充數應如所奏辦理應令駐藏大臣隨時查察不得任聽以門第相當彼此援引

蠟等超越 一各寺坐牀堪布應令達賴刺麻會同駐藏大臣秉公補放一欵嗣後凡有各大寺坐牀堪布缺出達賴刺麻應知會駐藏大臣濟隴呼圖克圖公同揀放等語應如所請遇有大寺坐牀堪布缺出務令會同妥為揀擇給與會印執照派往住持以昭慎重 一商上銀錢出入應照新定數目畫一支放一欵據福康安等奏今商上鑄造純淨十足銀錢不許絲毫攙雜令用漢字唐古忒字於正面背分鑄乾隆寶藏字樣每紋銀一兩換新鑄銀錢六圓換商上舊銀錢及巴勒布錢八圓惟查番寨租賦有以銀錢折交物件者若商上收納不公勢必苦累番民應如

所奏嗣後商上收納銀錢及採買各物俱照所定兌換之數按新舊分別折收仍令駐藏大臣隨時稽察倘查有出輕入重等弊卽行奏明查辦 一嚴禁私給免差照票以均徭役一欵查向來達賴班禪用事親族並大胡土克圖等往往聽富戶大族囑託卽給與免票苦樂不均實未公允經福康安等嚴加查禁誠如

聖諭實

爲第一要務所請將免票繳銷不得專派窮番如實有勞績達賴告知駐藏大臣之處應如所奏辦理至番兵免其門戶差使如有事故革退卽將原領免票繳銷以杜規避 一奏衛藏僧俗戶口應行造冊稽查一欵據福康友等

奏稱藏內人眾往來蹤跡靡常會奉有

諭旨令駐藏大臣給與路票應令達賴將大小廟內刺麻名數開造清冊並將所管地方及各胡土克圖所管寨落人戶一體造具花名清冊於駐藏大臣衙門及達賴刺麻處各存一分以備稽查等語應如所奏設有未請路票私行來往者查出將該管番目等從嚴究治 一奏蒙古王公等差人赴藏延請刺麻誦經應由駐藏大臣給照前往以資查考 一欵請嗣後凡遇蒙古王公等延請刺麻者應令西甯辦事大臣行文赴藏由駐藏大臣給與執照並咨明西甯等語應如所奏辦理 一奏嚴禁私用烏拉以恤番民一

欵嗣後應如所奏刺麻番目人等私行往來不得擅用烏拉亦不許私發信票遇有公事差遣須用烏拉之處必須稟明駐藏大臣及達賴刺麻發給印票沿途始准應付 一奏罰贖不公及私行抄沒家產之弊應行嚴禁 一欵據福康安等奏稱近年以來該管之噶布倫郎仔轄管遇有家道殷實之人議罰例外加增數倍又或懷挾私嫌將偶犯小過之人輒行抄沒家產等語該處舊例是否妥協亦應令駐藏大臣詳加閱核如有未妥之處正可乘此時畧爲酌改其婪索賍數過多者從重議罰其私行查抄家產之處似可永遠革除庶挾嫌逞私之弊可以不禁自息

西藏圖考卷之十一
一奏西藏官兵所需火藥應就地酌造以節糜費一欵查駐藏官兵每年操演共需火藥二千餘觔現據福康安等查明工布製造火藥較之內地價值較昂然以運腳比較則節省十餘倍之多現在軍需案內餘存火藥分貯前後藏高燥地方足供數年操演之用俟將次用竣祇敷兩年備用之時再行在藏配造至藏地產鉛甚少自應俟軍營存贍鉛丸將次用完與火繩一體由內地運解均應如所奏辦理一奏達賴刺麻賞給噶布倫戴琫等房屋莊田不得私行佔據一欵據福康安等奏現與濟隴胡士克圖確切查明凡噶布倫戴琫等應得官房田地隨任交代接

替毋許私佔等語實爲清除積弊起見應如所奏辦理一奏商上刺麻透支錢糧之弊應行禁絕一欵據福康安等奏稱上年以來商上支放錢糧每多先期透領嗣後應令按期支食不許絲毫預領應如所奏交濟隴胡士克圖隨時查核若因嚴禁預支或致短少剋扣卽將支放之人查明究治一奏各寨租賦應按年徵收清交商上並查明逃亡絕戶隨時豁免以卹番民一欵據福康安奏藏地各寨應交租賦物件近地係派濟仲第巴往徵遠處由各該營官徵收送交商上而不肖之濟仲營官等將收來租賦拖延不交甚或將本年租賦收清後明年租賦逃亡人

西苑圖考卷之七
三
戶亦不豁免番民頗形苦累嗣後應令商卓特巴立限嚴催徵收之濟仲營官等年清年欸不得違限亦不得預徵其逃亡絕戶卽將租賦豁免俟有佃種之人再行照例升科等語應如所奏飭令商卓特巴督同濟仲等妥協辦理

一奏駐藏大臣衙門應設譯寫廓爾喀番字通事人役一欸查駐藏大臣衙門向設譯字通事一名譯寫唐古忒字從不通曉廓爾喀字跡言語應請添設認廓爾喀字人役一名通廓爾喀言語通事一名並派唐古忒人三四名令其學習廓番字語以備充補應如所奏所設通譯二名需用口糧照例支給以資食用 一奏廓爾喀貢使五年

一次進京瞻覲屆期令該酋長將貢使跟役人數由何路進口之處預行稟報駐藏大臣卽委糧務一員會同定日守備親赴邊界點明人數預備烏拉送至前藏駐藏大臣酌加賞犒一面奏明一面飛咨四川總督差派文武在打箭鑪等侯前藏於遊擊糧務內差委一員護送至察木多再令察木多遊擊及該處糧務輪派一員接護前進行至打箭鑪再交川省選派文武送京等語應如所奏其貢使回國亦照此逐段護送以仰副

聖天子

綏懷遠人之至意以土各條

臣

等謹悉心公同會議繕措

具奏

駐藏大臣尙書和琳副都統成德摺

乾隆五十八年

查閱帕克哩定結各卡隘情形有噶爾達地方卡隘二處一名薩迦嶺一名春堆此二處均與廓爾喀相通又定結地方卡隘一處名擢拉山此處與廓爾喀哲孟雄相通又帕克哩卡隘三處一名哲孟山與布魯克巴相通一名哈爾山與布魯克巴小路相通一名宗木山與宗木相通以上卡隘六處均歸江孜前後藏大道爲總滙要隘臣成德親赴各處逐一查勘俱極嚴密

大學士福康安等摺

乾隆五十八年

查現在扼要總路共有兩路一係江孜地方與定結帕克

哩噶爾達相通爲布魯克巴哲孟雄宗木等處部落來藏要路且自江孜至薩迦溝行走又可繞往聶拉木一帶邊界一係定日爲聶拉木濟隴絨轄要路又可通薩喀等處應請於江孜添設一汛派守備一員外委一員帶兵二十名駐劄又於定日添設一汛派守備一員把總一員外委一員帶兵四十名所有添設官兵遵

旨於藏內

及台站兵內抽撥查前藏駐防兵四百五十五名後藏兵一百五十名打箭鑪至察臺兵八百三十二名擬於察木多抽撥兵四十名拉里抽撥十名後藏抽撥十名共抽撥兵六十名其應添設之守備二員把總一員外委二員

均由川省派出應得官兵分例俱照西藏成例支給

駐藏大臣副都統成德摺 乾隆五十八年

查閱後藏各邊界新設番兵及履勘鄂博情形惟定日地方遼闊為聶拉木宗喀絨轄三處總滙之地實為緊要查所通絨轄之小路轄木多通宗喀大路擦木達杏通聶拉木之小路古喇噶木炯並宗喀共計五處均為要隘每處設定瑋一名番兵二十五名即於定日新設番兵五百名內派撥似於聲勢更為聯絡

駐藏大臣尙書和琳副都統成德摺 乾隆五十九年

籌辦藏界補立鄂博以期久遠事查濟隴聶拉木絨轄各

邊業經福康安派員立有鄂博而藏界西南通外番地方如薩喀定結帕克哩等處均未定有鄂博難保日久不無爭端查遊擊張志林熟於邊務令先往各邊會同各營官自薩喀起酌於緊要處所將應立鄂博地方繪圖貼說俟臣和琳巡邊到彼親自酌定眼同堆立鄂博嗣後邊外各部落與藏中無涉唐古忒人雖糊塗亦有遵循可期永遠無事

噶爾弼平定西藏碑記 布達拉磨崖碑凡二詳載續集此篇乃蜀志改撰為一者也

聖天子統御中外覆育萬方文德覃敷自古難化之族武功赫濯闡從來未闢之疆允矣澤被無雷威周出日凡秉血氣

西康圖考卷之七
莫不尊親獨澤旺阿拉布坦蠢爾無知自外生成逞并蛙
之見肆螳臂之雄暗令車零敦多布等戕害喇藏荼毒生
靈邊臣奏報上厪

宸衷軫

此荒隅陷於水火爰命撫遠大將軍王親統貔貅駐節木
魯烏蘇居中調度指授機宜遣平逆將軍延信由苦苦兒
塞一路進勦令臣噶爾弼統領川滇荆楚江浙滿漢官兵
由蜀進勦於康熙五十九年四月十六日自成都拜疏起
程由蜀之打箭鑪裡塘巴塘以至乍丫又木多會集大兵
整隊進發一由類伍齊結束結科噶三達奔公爲正兵一
由洛隆宗碩般多達隆宗沙弓喇弩弓喇爲奇兵訂期會

取喇里竹工墨竹工卡一帶地方宣佈

天朝恩威曉以順逆大義撫歸戮叛敗散賊番降服準噶爾委

投之藏王達格咱喋巴阿角喇復坦兵不血刃於八月二
十三日直抵詔地封倉庫以待王師撫僧俗而甯佛土招
同哈喇烏蘇助逆之喋巴斷彼喇撒達木餽賊之糧道西
師在前我兵在後而車零敦多布等援散食絕力竭勢窮
狼奔豕突戢影遠遁由是西來之達賴喇嘛於九月望日
抵藏坐牀僧俗皈依遠邇傾嚮歡聲振天梵音匝地共祝
聖壽無疆河山鞏固此皆上賴

廟謨宏遠德遐震下仗諸臣佈置有方糗糧充裕更兼將士奮

西苑圖考卷之七
勇志切同讐所以道經五千履危峯雪嶺有如平地時歷
四月冒蠻煙瘴雨而甘之若飴壯氣凌雲直入亘古師旅
未到之絕域而成此克捷之功也勒之豐碑恭紀道塗年
月云爾銘曰天地爲界日月爲期一洗塵氛永靖荒裔
儲大文擬平西藏碑文

聖清受

天成命撫有萬邦欽惟
太祖高皇帝乘乾立極
太宗文皇帝道洽風淳
世祖章皇帝神武丕昭統一寰宇

皇上纘

三聖之寶祚膺八表之璿圖薄海際天罔不祗貢自
御極迄今平三叛平臺灣平俄羅斯而噶爾旦擾我邊氓
六飛三駕刈其壘俘其子偉烈豐功載高隆古蠢爾澤旺阿喇蒲
坦敢作不靖渠黨策陵董多布據西藏翦黃教日戕唐古
特圖白特人民

皇上廣咨廷臣決策征討

册命撫遠大將軍固山貝子臣允禔總西方諸帥而振武將軍臣
傅爾丹征西將軍臣祁里德靖逆將軍臣富甯安胥受鉞
宣威於伊吾高昌之域獲級擒生賊渠遠遁康熙五十九

年夏四月臣允禔承

詔發北站道駐師木魯烏蘇爲進藏諸軍節度平逆將軍臣延信率滿洲綠旗兵尋發南道經苦苦腦兒來稟軍律護達賴喇嘛臣胡畢爾漢以進秋八月十五日師次薄克河賊夜犯營敗之二十日次齊嫩果兒賊二千有奇夜乘大雪犯營我師整陣以待大敗之二十二日次楚馬拉賊復夜乘大雪犯營火器胥濕滅我師奮擊又大敗之策陵董多布棄師遁而定西將軍臣噶爾弼亦稟軍符率滿洲綠旗兵以四月發打箭鑪六月經乂木多會雲南都統臣趙坤符發中甸之師以進攻克拉里是時渠黨宰僧吹音匹兒等

準噶爾兵六百蠻兵二千守噶爾招穆倫渡暨墨朱工喀而朱貢欲降不果我師檄工布第巴率兵二千以秋八月十六日會墨朱工喀而初四日兩軍發拉里進次工喀爾拉朱貢之胡土克圖降又進次朱貢吹音匹兒震懼返達木潛遁而工布兵亦如契箭至乃進取墨朱工喀諭降第巴達克襍暨喇嘛種兒頭目亟集革船以二十二日渡噶爾招穆倫口分三隊二十三日警鼓發遂進取西藏宣諭第巴頭目暨色拉布陵奔諸寺廟喇嘛斬總管準噶兒喇嘛五而平逆將軍兵亦至九月十五日達賴喇嘛升牀唐古特圖白特大和西藏平越月留偏師戍之而諸帥胥振

旅以歸昔漢通西域不及婼羌後魏追吐谷渾什寅師未
至白蘭以瘴疫返唐討吐谷渾師一達柏海星宿川吐蕃
論欽陵嘗謂烏海黃河關源阻深風土疫癘唐兵必不能
入李德裕議繇維州索叢嶺走長川不三千里徑掩吐蕃
牙令生羌燒十三橋而策訖不行元烏思藏納里速古魯
孫路等不書地理志而四川雲南徼外行師南廛濟卡頭
西廛經晏當明討曲先師一達雅合闌而二法王四藏後
并不復册封未有如今兩道深入霆擊電掃闌前世不克
闢之絕域舉吐蕃鶻莽突錄濟農歌迎勞唐使三驛唐雅
州達吐蕃三道暨麗水達彌諾江道而撻金浴鐵之士胥

虎步履之用俾八思巴瑣南堅錯黃教復興而繇是經蘇
毗以達鄯善經候斤以達安西且偕伊吾高昌襲擊之師
並集鹵庭克殄凶醜此直旬月可辦臣允禔幸轄羣帥參
成勞謹書其畧於石所以仰窺

皇上兼覆之慈獨斷之識克俾文武諸臣和衷體國以建此殊庸
而益以昭

太祖

太宗

世祖之聖德神功於億萬里之遙億萬禩之永也爰拜手稽首而

獻頌曰

天命

聖清爰統六合乾綱坤維嶽奠海納西南下國法教湮淪兼覆不遺

天子之仁萬里行師紛紜廷議獨斷而克

天子之智兩道深入絕域宴然望闕頡頏

天子萬年帥臣驛聞勲書竹帛詞臣考典請勒金石

天子曰俞朕用褒崇

太祖

太宗

世祖之功

楊揆廓爾喀紀功碑文

蓋聞制勝克敵聖人貴先幾之斷討貳舍服王者用無戰之師是以干羽之格七旬獫狁之征六月兩階之舞九伐之威義正仁育其揆一也欽惟我

皇上握璇衡以奉天撫蘿圖而建極月竄日際罔敢弗庭西賚南琛無思不服惟茲廓爾喀者遠處極邊去衛藏三千餘里其人則交閭之所未陳其地則章亥之所未步潛吹虺毒妄肆鴟張洊食鄰封歷有年所乾隆五十三年乃敢驅其醜類犯我藏界

天戈所指旋卽遁逃鹿鋌險而擇音鮒涸轍而噓沫頂經詣闕爰輸就日之誠祝網希

恩暫緩防風之戮此蓋伏遇我

皇上覆幬爲量無所不容廣綏徠柔遠之仁申先德後刑之義許
附屬國俾列藩封

聖德生成至鴻龐也何期梟性不馴狼食反顧徒陳魏絳之議竟
渝頡利之盟先誘西藏噶布倫丹津班珠爾而執之遂稱
兵由薩迦定日肆掠札什倫布而去餘賊復屯聚於濟隴
絨轄聶拉木意存窺伺蓋以爲地險萬里舟車不能至也
天樞九重雷霆不能及也於時鼓角宵鳴旄頭曉落塵生
紺殿三千法界之災風捲珠林五百修羅之劫蓮座之莊
巖頽毀靈幢之花雨驚飛律犯貪嗔心生恐怖燃烽告警

閣境戒嚴駐藏大臣以狀上聞

帝用震怒曰是不可赦且衛藏之地久隸版圖涵濡
聖澤百有餘年乃廓爾喀反覆靡常狡焉思逞不加撻伐曷禁兇
頑於是發

明詔選重臣命大學士一等嘉勇公福康安爲大將軍以領侍衛
內大臣超勇公海蘭察四川總督兵部尙書右都御史惠
齡爲參贊大臣指授方略統帥勁旅雲臺犀甲張組練於
風雲羽林虎步耀戈鋌於霜雪前旌乍轉後陣長驅滿漢
索倫屯土降番諸兵無不景從響集星馳雷動歲次壬子
建寅之月大將軍取道青海至於藏地儲芻糧勵將士占

星五夜飛檄千行雍容上將之風距踴三河之俠誠以師行絕徼宜速而不宜遲寇閉重垣用眾惟甯用寡其時聶拉木賊匪先經領隊大臣成德等率兵掩襲聚而殲焉四月乙未大將軍兵次定日復遣領隊大臣岱森保等協同成德濟以偏師出聶拉木以壯聲援令曰見可而進毋輕犯險又遣川北鎮總兵官諸神保等分兵駐於絨轄牽綴賊勢令曰防其間出擾我後路大將軍與參贊大臣超勇公海蘭察親督勁兵直取濟隴而蔓延之賊已洊及擦木據險抵禦我兵破宵冒霍分隊競進參贊大臣惠齡率師繼之遠瞰封泥之固預搜伏莽之戎百道飛行三軍氣湧

賊匪拒巖椒而進墨疊石菌以開營狡穴偷安危巢延息官軍猝至未之覺也釜魂莫竄又血爭飛奔走既窮阻隘斯克甲辰舉擦木乙巳賊兵援至遇於瑪噶爾轄爾甲山梁牙梟忽鳴轉蛇突出再接再厲殲戮無算丁未師於濟隴揮樁喉之長戈展攻心之上策重圍四合大燾高懸堅壁壓於頽雲巍礮摧於烈燄破一軍之甲不待崇朝斬二丈之綏曾無踰刻凡賊匪盤踞之所至是悉復而聶拉木官兵亦克札木以進賊眾連北軍聲赫焉由濟隴而西遂臨賊境危峯崩劣密箐陰森毒霧漲空炎氛鬱巨馬懸蹄而不上鳥戢翼以爭迴巨石嵯峨拔地千尋之筍洪濤搏

激噴崖萬壑之雷賊匪負巉巖阻深溪我兵仰攻矢石不
及於是大將軍令領隊大臣副都統阿滿泰乾清門侍衛
哲森保等率兵由峩綠大山疾趨熱索橋上游紫筏竟渡
山靈鼓掌驚柴紹之壁龍河伯潛踪避敖曹之地虎連旌
彌谷飛雨灑空壬子克熱索橋賊匪斃者十之六七餘眾
退保於協布魯我兵乘勝突入賈勇有餘三更裏鄧艾之
氊十步設劉鄩之計犀渠鶴郝突陣鋒銛擗槊鉤鐔斫營
力勁駕飛橋於樹杪渡急溜於巖腰辛酉奪其壘而據之
飲馬之水皆赤燒巖之火尙明大將軍巡其營壘視昨戰
處曰其險如此非我能克殆天佑也夫兵行愈遠後路遼

絕裏糧轉戰士不宿飽伏蒙

聖天子宵旰運籌無微不燭

特命大學士孫士毅自察木多馳赴前藏曰藏東一路軍火糧餉
汝其任之以工部尙書和琳爲駐藏大臣曰自藏以西則
和琳之責竝

命參贊

大臣惠齡曰毋狃於接戰其濟隴以外則惠齡之責轉輸
之功與接戰之功無異也由是徙錢溢市轉餉載途出積
貯於民間招流亡於塞下負戴不絕肩背相摩征人忘呼
癸之虞壯士享椎牛之樂晨餐增竈何須井拜耿恭夜唱
持籌不用沙量道濟愈見飛揚士氣踴躍軍心六月庚午

師次噶多其時賊匪益眾聚於東覺危磴一綫巔崖萬仞
刀光霍日人聲隔雲雷殷殷而振宵鳶跼跼而墮水衝波
雪濺吐瘴烟凝深壑夏寒本燭龍不照之地崇岡晝晦是
陽烏迴足之鄉大將軍勒部曲嚴號令備器械裹餼糧繞
行博爾東拉山梁分前隊爲三參贊大臣超勇公海蘭察
統之又分前隊爲二繞行噶多普山麓大將軍統之兩路
竝發空壁逐戰復令都統銜獲軍統領臺斐英阿等設疑
兵於足木古拉巴載山梁與賊匪對拒飄方旗之綵繚轟
巨礮之砰礮賊匪睥眦惕息伏匿不出兩路之兵攀深林
之蒙翳躡利石之峻嶒度險懸繩縋幽束炬大將軍率乾

清門侍衛額勒登保等督兵力撲賊匪潰亂僵仆相藉參
贊大臣公海蘭察亦繞出賊上與大將軍合癸酉克其木
城礮卡凡數十處追奔逐北至於雍雅俘其頭人以歸聶
拉木官兵亦克鐵索橋隴岡賊卡進至利底勦賊甚眾其
絨轄之賊潛遁爰檄總兵官諸神保等合兵於利底於是
廓爾喀全部震動遣人詣營乞降大將軍曰賊匪狡詐此
舉將以緩我師也不可信嚴檄責之賊匪惶懼守禦如故
因獸猶鬪窮鳥尙飛妄思螳臂之當車莫顧燕巢之覆卵
鴟方折翼蟲尙合沙七月庚子復與賊戰於堆補木甲爾
古拉直抵帕朗古人怒未舒軍鋒益銳十盪十決軍其國

中三絕三通來如天上蓋自進兵以來時未三月以五千餘眾深入八百里俘擒斬獲以三四千計膚功克奏我武維揚廓爾喀酋長再遣頭人詣營歸噶布倫丹津班珠爾等於藏其札什倫布所掠悉以獻出敬遣大頭人噶箕第烏達特達巴等奉表

闕下恭進馴象番馬及樂工一部其餘方物充牣不可勝計且報曰遵奉大將軍約毋敢再犯藏界永爲不侵不叛之臣用申革面革心之誓鞠脆稽顙哀懇再四大將軍露布入告

皇上鑒其悔罪之誠治以好生之德赦彼前愆復厥舊土列其人

於王會俾與嬰瓊盪琫之朝隸其樂於太常令隨僦侏兜離之後名駒躍塹充十二之天閑香象渡河備九重之仙仗奚止矢供肅慎雉獻越裳洵足以宣鬯

皇威鬻軒

帝載大將軍敬奉

詔旨振軍容而納欵嚴戎服以開營臨邊築三受降城專闔領五招討使朱旛華鼓咸知萬福威名赤舄繡裳爭望令公顏色愛降人如赤子感僕射如父兄從此西域長甯投戈恐後南人不反推赤如初萬馬回鑣聽嫖姚之笳鼓六軍唱凱擁光弼之旌旗是役也大將軍仰秉

廟謨躬承

睿算若衝風之捲秋籜譬夏景之潰春冰所謂我戰則克有斷然者某從事斯役與觀歲功敬惟韓愈之作平淮西碑班固之勒燕然山銘皆以紀一時之績歸美於上之詞也爰仿其義而書之銘曰惟

皇聖武威溥絜絃玉戚朱干不諛是征桓桓將軍秉旄仗鉞振旅闐闐用張撻伐曰衛曰藏我土我民誰泄師言侮於強鄰王師其來載欣載悅誅是不順莫或於敵左執其角右扼其吭修我戈矛峙乃糗糧崇山連連隘不容馬閒道用奇擊眾以寡七戰七捷師不踰時賊勢窮蹙匍匐陳詞

帝鑒照臨爰赦厥咎遣使伏闕奉表稽首王師於來萬里震驚王師於返既安且甯師行惟勞戮力相向制勝克敵功歸主將將軍不伐其告師徒凡此壯猷悉秉

廟謨惟聖不矜成功善讓大武十全胥歸

昊貺

福康安重脩雙忠祠碑記

雙忠祠在前藏大招東北向為駐藏大臣行署朱爾墨特那木札爾之難駐藏大臣傅公拉公死焉署亦燬於火番民感二公之忠烈因其舊址請立祠肖像以祀蓋以二公之大有造於衛藏也傅公諱清為康安世父乾隆十五年

公以都統奉

命駐藏左都御史拉布敦副之時朱爾墨特那木札爾襲其父頗羅鼐郡王封專藏事多不法稍裁抑之橫如故公廉其叛逆有迹密疏請便宜從事以絕後患奏入

上以公孤懸絕域未可輕舉

命都統班第代拉公將明正其罪以申國法

旨未至反謀益亟廣布私人凡駐藏大臣一舉動輒偵邏之禁郵遞不得通潛結準噶爾爲外援藏中有異已者將盡誅之勢且延及達賴喇嘛爲雄長一方之計公如坐待其變事發而公必死誘而誅之其羽翼已成眾寡不敵而公亦死

均之死也毋寧變速而禍小遂與拉公定密計以十月十三日告其黨羅卜藏達什曰召藏王來有

旨令議事朱爾墨特那木札爾以公勢孤聞召不之疑亦不設備公與拉公登樓待之止其眾於樓下隨上者四五人公見之顏色不動如平時引入臥室門卽闔急掣襟底預藏前藏王頗羅鼐所獻之順刀連砍之中項而仆從者進前以梃擊其首立斃羅卜藏達什在門外聞格鬪聲知禍發挾窗跳越告其婿第巴喇布坦等號召賊眾須臾麴至鎗礮競發環攻之牆高而固不能入賊乃積薪樓下烈焰四起樓焚賊遂攀援而登公手刃數賊身被三傷力竭自刎以

殉拉公亦中創死吁烈矣哉夫衛藏距京師萬有餘里公鎮其地戍兵寡弱外不足以制其力內不足以奪其權使朱爾墨特那木札爾竟舉兵反番民性怯懦勢必舉而從之以向隸版籍之地一旦陷賊即使以身殉事已無及勞師糜餉致貽

聖主西顧憂疇職是土顧可以一死委其責耶公獨奮不顧身毅然定大計乘其未發誘而誅之餘黨雖擾攘而渠魁已殲如瓦解冰泮無能為難不旋踵而就縛盡伏厥辜公雖死而全藏以安

國威以振是非傳介子之誘斬樓蘭所可同日而語也事定班

公及四川總督公策楞至藏列二公死事狀上聞

天子震悼下及入東山一日至蜀藏詔褒嘉諡以襄烈與拉公俱贈一等伯入賢良祠昭忠祠復勅建雙忠祠每春秋二時特遣大臣致祭子孫以一等子爵世襲

罔替卹忠錄庸延及苗裔嗚呼公之心其可慰矣康安以五十六年奉命督師進剿廓爾喀來藏謁雙忠祠瞻拜遺像距公殉節時蓋四十餘年矣藏番追念兩公遺澤歲時奔走香火不絕至今猶有能道當時遺事者惟碑碣缺如堂廡垣墉間有傾圮爰於班師之日葺而新之且恐歲久遺跡或湮敬書其事以示後人其時同殉者為主事策答

西藏圖考卷之十一
爾參將黃元龍並爲位於廡以配食傳云能捍大患則祀之如公者番民雖百世祀可也

松筠巡邊記

此碑泐於前後藏江孜演武廳文亦互異是篇蓋蜀志所節取也

乾隆六十年乙卯夏四月巡邊自前藏經曲水過巴則江孜共十日行抵後藏由札什倫布走岡堅寺彭錯嶺拉孜羅羅脇噶爾過定日通拉大山共計十一日至聶拉木又由達爾結嶺西轉經過白孜草地鞏塘拉大山瓊噶爾寺南轉出宗喀共行六日至濟隴仍旋宗喀東北行十日還至拉孜入東山一日至薩迦溝廟自廟北行二日出山仍走岡堅還至札什倫布往復略地隨在繪圖知其概焉緣

札什倫布西南左有薩迦溝內之曲多江墜右有彭錯嶺峭壁連岡是爲後藏咽喉實天然要隘也乃辛亥年廓爾喀以步卒數千入自聶拉木走薩迦溝直抵札什倫布彼時果有現在之漢番官兵劃分兩路一赴曲多江鞏以扼其前一赴彭錯嶺偵探以截其後則廓爾喀深入無援可以不戰自潰至協噶爾定日左首之絨轄喀達定結西路之宗喀瓊噶爾鞏塘拉大山皆爲天然門戶曲水巴則江孜又爲前藏之要隘而江孜迤南之帳克哩甘壩等處界連藏曲大河尤爲前後藏第一險要所有漢番官兵及噶布等均宜熟悉因於前後藏江孜教場泐石咸使對圖講

求人各胸中有主方於汛防有益然安邊之策莫若自治
非獨濟隴聶拉木番民應派廉潔營官管理所有前後藏
屬各營官第巴皆能教以廉潔自持善撫百姓又何他患
即是為記

雖經刪短而險要地名
皆存 原文詳載續集

松筠西招條議

公於嘉慶初年駐藏著西招圖略二
十八條曰安邊撫藩戒怒遏欲抑強

除苛厲俗慎刑緩遠懷來成才述事審隘量敵合
操行操練兵申律制師馭眾堅陣出奇倡勇謹勝
善始持志防微守正其審隘篇已錄卷之二茲
取其切中時事者再錄十條餘具公書可考也

撫藩之所以宜撫者羈縻而教之者也譬如衛藏達賴
班禪亦藩也其性惟知誦經聞教至其屬下百姓如何教
養素本未悉是故

聖皇欽派大臣駐藏為之教為之養所以安邊撫藩也撫也者
循循導其為善也夫達賴班禪原以慈悲為本似不必導
然其慈悲本釋氏之無為知為已而不知為政其屬下噶
布倫僧俗營官第巴頭人或苛斂以致百姓散亡而不
之知若因其不知而率為詆斥則又非撫矣必宜推廣
皇仁以內地百姓平日如何教養遇有偏災如何賑恤使之聞
之而後勸之嚴束營官安養百姓恤災散賑一切告示皆
諭以

聖主皇仁及達賴班禪慈悲仍使百姓感彼之德則其欣然由
我治理而無梗矣所謂納約自牖是必宜導者也達賴有

噶布倫等官班禪僅有商卓特巴一人伊等或有逢迎於我而蔑視達賴班禪者應卽教誡無使達賴班禪寒心可期各寺僧眾悅服蓋其僧眾強勝多於百姓而百姓惟僧是敬且信故宜羈縻善撫而善教之所謂卽以其人之道還治其人之身者此也

〔遏欲〕夫欲者貪也大凡蠻夷皆貪貨利故金玉珊瑚種種異物產焉此蓋天意也何則譬如中國爲政仁育萬物義正萬民寶善而弗寶金玉是故中華鮮出異物而獨五穀蠶絲是產以養人之正氣惟萬國來王各獻厥貢祝

壽無疆而

聖皇厚往薄來所以柔遠人也若夫

欽差大臣固不可收受蠻家之獻而况欲其寶貨而貪取也蠻夷惟知寶其貨財而我欲貪取之無論彼心難舍敢怒而不敢言卽其與矣或無厭而復索他寶雖云發價而不值其貨或以進貢爲言強取強買久之積忿必深變生必大此皆縱欲所致起邊衅敗國事蓋由於此臨時雖悔無及欲之不遏可乎夫縱欲者不仁之甚也非獨邊臣常宜遏欲卽內地地方伯守令一有好財者則胥吏僕從比然陰謀必藉端勒索富民倘不遂欲或誣以他事困於囹圄以辱之由此或生意外之虞深可畏也傳曰不仁者以身發財

余謂財未發而身已敗豈不惜哉欲之不遏可乎至如西藏達賴班禪以及屬下僧俗無不寶其古佛者若駐藏大臣取之其必與也與則與矣然其難舍也亦如寶貨且曰古佛為衛藏之元氣取之則必有損於彼夫如是又何必取之失其向慕之心况或為其所怨耶取彼之怨由我之欲余故曰欲之不遏不可也
除苛除苛所以甦民也甦民所以安邦也故駐藏大臣每年巡閱藉以省斂安民法至善也蓋班禪所屬疆域有限民地無多不過札什倫布周匝耳至達賴喇嘛所屬東北有哈喇烏蘇西北有阿里薩喀東南有錯納工布江達拉里碩板多洛隆宗江卡西

南有濟隴聶拉木絨轄喀達定結干壩帕克哩此皆藏屬邊地或當大路而差賦日增逃亡日眾即如濟隴內瓊堆一村原有百姓五十餘戶今止八戶而每年仍迫以原戶差賦其薩喀一屬原有百姓一千餘戶今止三百而亦以原戶迫索差賦在在如此民不堪命久矣前因達賴班禪蠲免番民錢糧具奏仰蒙

聖恩賞銀撫恤

乾隆乙卯既經達賴班禪蠲免

錢糧復蒙

恩賞銀兩撫恤

邊氓乃得復甦然

其司事頭目貪饕性成如不善為治理雖歲歲恤賞亦不能拯救其民於是乎為之除苛為之減費有案可稽數年來民生庶幾矣惟其司事僧俗不得漁利久而或復藉詞苛斂

固宜隨時審察以期番民永安樂利而本固邦綏也
綏遠荒服宜緩而綏之之道貴在羈縻得中而又本乎自
治譬如衛藏迤西有廓爾喀卽荒服也其界連濟隴聶拉
木而旁通絨轄喀達定結諸隘是故境內常宜自治必使
番民休養生息一無蕩析離居之患則荒服遠夷莫不傾
誠內向而聽命矣旣已聽命亟宜綏懷以結其心每遇朝
貢之年欸待自有定例若其平時遣人來藏請安微獻方
物自應收受加倍酬答酌量賞其來人以仰副

聖主

一視同仁至意如駐藏大臣巡邊伊或得信遣人於界上
請安尤宜嘉其悃忱而優爲酬答假以詞色而推誠撫綏

倘有懇訴小則隨事羈縻以化其貪大則奏請檄諭以杜
其漸至於我之邊民或有貪利欺凌外夷者必應訊明奏
請嚴懲以示大公則彼心感服所謂綏遠者蓋不出此然
酬答一切亦不可過過則近妄妄則或致輕視而有失威
重所關非細總之夷性多貪近之不遜遠之則怨余故曰
貴在羈縻得中也 懷來來者安之謂之懷所以勞其遠
而慰其誠也衛藏達賴班禪本黃教之大宗爲內札薩克
六盟外札薩克四部及部爾伯特土爾扈特青海各蒙古
世所欽奉 六盟曰哲哩木曰卓索圖曰招烏達曰錫林果
勒曰烏蘭察布曰伊克招四部曰土謝圖汗曰
車臣汗曰札薩克圖汗曰三音諾彥而達賴班禪自崇德
以上各蒙古游牧疆界略見綏服圖

七年遣使恭進丹書克於

盛京以來各蒙古益加敬信或遣人布施熬茶或遣僧駐藏學藝年年來之絡繹是駐藏大臣所應指導達賴班禪推誠款待以示慰勞者也至於藏地邊外如近阿哩之拉達克汗部又庫諾汗部又近宗喀之落敏湯部又近帕克哩之布魯克巴部亦嘗遣使與達賴班禪通好並與駐藏大臣請安是應面見來使慰勞獎賞可使爲我邊地保障又有巴勒布及卡契回眾常來藏地貿易其有早年來藏安家以貿易爲業者是應嚴束僕從及漢番兵役不得稍有擾累至藏地東北一帶有三十九族雖夷情部郎專轄而統

轄者駐藏大臣也事無大小必宜面詢實情教之撫之以期久安也此外尙有郭洛克德爾格乍丫等等番部亦嘗來藏瞻禮藉以貿易皆宜隨事撫綏教之恭順可期相安也第恐不懷不來與藏地有礙是故述而誌其概焉

量敵量敵所以慎防也衛藏番兵雖多怯懦如使其盡知敵勢而備悉戰守之要豈其怯懦不爲勇敢耶自天兵平定準部以來衛藏武備偃然且久不知恤民以致寇至而無措此卽偃兵累民之大害也今之所謂敵者廓爾喀也蓋其俗也暴其性也貪恃其強悍而不修德然強者怨之歸也弱者德之助也天道福善禍淫似此強暴何可久

耶其勢如此夫復何畏其於戊申辛亥兩次入寇者徼幸耳今藏地休養邊氓爲之屏障訓練番兵爲之武備廓爾喀雖強胡敢輕入耶况帕克哩定結邊外之哲孟雄部宗木部薩喀宗喀界外之作木朗部落敏湯部雖被廓爾喀強佔然人心未服俱不無恢復之志倘廓爾喀仍前不軌卽一面堵剿一面飛檄哲孟雄等部令其各復舊業彼必奮然從命則廓爾喀內潰首尾不能兼顧我兵剿辦固爲易易然武備不可不講於平素而所設番兵尤宜勤加教練也衛藏四汛共設漢兵六百六十名內除旗鼓塘遞及各行匠役其能戰鬪者約有五百所設番兵三千除旗鼓

守隘各行匠役其能戰鬪者約有二千五百

定日番兵內出防者共一百二十五名

百二十五名定琫五名卡防有五曰宗喀曰察木達曰杏嶺曰古拉噶木仲曰霞多爾每卡定琫一名番兵二十五名後藏番兵內出防者共一百八十五名定琫七名卡防七處惟那克藏一處住定琫一名番兵三十五名其餘六處曰薩喀曰喀達曰定結曰干壩曰春堆瑪布甲曰薩迦每卡定琫一名番兵二十五名

擊一員都司一員守備三員千把外委十一員名唐古忒

領兵戴琫六員如琫十二名隊長甲琫二十四名隊目定

琫百二十名儘足調遣是例操之外尤應教以合操行操

禦敵破敵之術尙有達木蒙古騎兵五百

亦應嚴行操演

今著每年秋輪調八平時切莫調用方不至如前挫折

年曾派達木兵於薩迦溝抵禦大有挫折實因不教所致譬如敵自濟隴聶拉木定結

三路入寇其每路不過千數我兵儘可以逸待勞蓋謂強敵者唐古忒怯懦之談敵跣足著履而行豈其不知深入無援而無糧以爲畏懼耶廓爾喀本不耐寒嚮者兩次入寇皆在夏月若至仲秋則無能爲矣故辛亥年伊之入寇者遁回約有二千人經過喀達之霞烏拉山遇雪凍死者千四五百其得回巢者僅有數百卽此可知其果其深入是定結最近則江孜守備遣戴琫同軍功等帶兵由定結左路汪甸小堆瓊路大入去邀擊其後而後藏都司遣戴琫一員同把總軍功等由那爾湯入南山經仁津孜塔克直抵拉固隆固極西之喀木巴拉山梁堵截或敵僅在定結而我兵卽由多布札走錯莫志通海子西岸夜越定結東山先以火彈燒賊營壘繼之以

鎗而預約江孜所發之兵乘勢邀擊則敵敗必矣其由濟隴聶拉木入者必經協噶爾走薩迦來撲後招著後招都司卽派如琫三名同軍功等帶領鎗手番兵數百名由左路朗拉山入於曲多江鞏阿尼鞏三處卡隘分紮堵禦又於朗拉山石堆八陣處按堆插旗伏設大砲其達克拉山左右兩巖亦令伏設大砲並著江孜守備佳守後招而後招都司應卽帶兵多攜火彈由甲錯大路前往協噶爾與定日守備相協設伏夾擊之可於琫褚河橋或羅哩及果瓊拉山埋伏如敵已至薩迦則我兵應由拉孜入向薩迦廟以搗其後再調唐古忒仲科爾額設鄉兵數千名撥弁督領分路助勢因險伏擊之敵其奔敗必矣所有彭錯嶺右隘珠鄂隴中隘最爲險固量敵不

西苑圖考卷之十一
三
敢逕入卽或其入則我兵可由花寨子西之格登山峽堵截最易得手惟定日一汛西南捍禦聶拉木正西捍禦濟隴如兩路寇入定日守備可暫堅守本汛及塘遞不時飛稟情形聽候調遣夫敵之入也行走罔能迅速且我有備豈其不知耶况一有警則駐藏大臣一面具奏一面祭告山川社稷帶領前藏官兵馳往而卽檄詢該王責以悖逆不法且檄飭哲孟雄作木朗等部令其乘敵內虛往攻之則其無能爲矣譬如敵旣奔遁則我兵卽由濟隴聶拉木兩路而進其聶拉木道路雖險若於八九月秋高之際進兵較比濟隴道路尤易且近蓋兵在精而不在多總之權

變在我量敵之勢運心之妙不戰且勝而况戰乎

合操

夫太平蓄銳固宜專技練習例操之外務須一律合操武備庶不虛設也所謂專技者有神火連環有九子火彈有馬射步射有滾牌刀矛有執纛者有背旗者視兵之力各專一技而散操之旣熟則號令施焉所謂號令者中軍揮旗繼以信炮齊以海螺鼓以進之鉦以止之此坐作進退之令也旣悉則使知先後而教焉蓋騎兵宜隨帥纛而聽令必先之以神火炮响三聲齊打進步連環鉦鳴而止隨吹海螺而持火彈者發喊突前施之旣畢聽鉦而退隨卽擊柝步箭齊發鉦鳴而稍退鼓响則滾牌刀矛喊聲躍出

西苑圖考卷之十一
隨响排鎗各展技能繼吹海螺所有九子連環神火由兩翼飛出而列之號炮三聲則眾鎗齊發遂成圓陣合圍得勝中軍揮旗樂奏凱歌各行因鉦隨燾徐徐撤歸麾下隊長齊聲報捷此太平蓄銳有制之軍堪稱武備也
〔行操〕
綠營教場演陣乃操兵常制然兵習常制而不諳破敵之術不可也則宜行操所謂行操者各統領隨時率同隊長兵丁先吹海螺齊以列陣陣畢號炮三聲鼓吹而中左右三軍穩步進發約行五里見有預立草堆則中軍揮旗一聲炮响左右兩軍不動獨中軍操演一如合操節次將操之際中軍揮旗三聲炮响右軍旁出前進約行三里又見

草堆則本隊一聲炮响發喊操之初以三進連環繼以火彈又繼以箭時中軍拾得箭彈同左軍相繼趨至一聲炮响獨中軍繼右如前操演將操之際中軍揮旗三聲炮响左軍亦如右軍旁出前行三里復見草堆其响炮操演與右軍同時中右二軍拾得箭彈已繼趨至獨中軍繼左响炮操演如前又前二里有草堆其稍前左右各三里許有先行潛發伏兵兩隊靜聽中軍九聲大炮兩伏發喊突前各離草堆一箭之地揮旗勒住隊伍各响號炮一聲先操以連環九子繼以火彈又繼以箭正演之際中左右三軍齊至揮旗令吹海螺合兩伏軍盡向草堆列爲圓陣鼓响

演如合操節次既畢鳴鉦收軍各兵穩步拾得箭彈遂吹海螺以右軍爲前軍以左軍爲右軍以伏右爲左軍以伏左爲後軍而中軍揮旗一聲大炮樂奏凱歌各隊响鼓穩步而旋行操五隊旗本五色旋歸之際中軍如揮某旗令向某方操演則某隊應令突出而往復繼發某隊以援之操畢仍歸大隊徐徐均至教場分列八隊一如例操收軍之制行操所以練習破敵之術庶幾兵心有主而氣作不畏強敵矣此蓋平原之操以之變化仰攻俯壓履險度峽無一不可也本年奏定添設行操及仰攻俯壓山操所有前後藏江孜定日四汛操演俱已合式練兵練兵所以禁暴靖民也雖例操之外有合操行操然

兵不識將將不識兵不可也衛藏四汛共兵三千其隊目定琿一名管兵二十有五隊長甲琿一名管兵一百二十有五如琿一名管兵二百五十戴琿六員分應各管五百因令如琿甲琿定琿各舉各號一呼則其本管番兵應聲而至作有差發之狀務於合操行操之時常令呼演左右前後四路差發或使搶卡或使埋伏或使前驅開道或使相冰疊橋以上號令其如琿甲琿各以旗幟分色別以番語勇敢等字爲號至於定琿人多其口號旗號俱以唐古忒字母編之無得重音譬如字母之噶喀噶阿四字只用噶喀阿三字以便遠聽易悉但字母除去重音僅得二十

蓋足江孜定日兩汛各定瑋二十名編號其前藏後藏各兵一千定瑋各有四十令編左噶右噶左喀右喀而分別之儘足四十矣若夫例操鎗箭原爲中的而箭靶鎗靶過寬皆非定制也蓋箭靶寬不過尺二鎗靶寬不過二尺久操之自能中的而鎗箭隨舉隨發無不如意則所向無前乃爲有濟也此固細事似毋庸書然番兵之設未久練習之法未熟且駐藏大臣數年一換而操防官兵更代有期故書之以便交代久之習慣自然雖有強敵弗敢入也加之感化使唐古忒與疆外諸番咸同一家則邊氓綏靖萬載相安矣

謹勝

夫爲大將者凜凜若負重而履薄冰

戰戰如登朽木以臨萬仞曰謹勝者言旣勝之後益宜謹慎也衛藏邊地皆山易爲設伏譬如敵寇深入旣敗一時不能奔回或卽捨命因夜潛攻是旣勝之後卽宜分兵設伏邀擊其後使其前尾不顧取勝尤易況古人有以石爲兵者有以牛爲陣者後招札什倫布迤西中左右三路直至定日聶拉木宗喀濟隴無論高山平地皆有石子而定結喀達一帶皆然以跣足步行深入之敵一經奔敗我兵先於其歸逕山彎高岡設伏三五處視寇旣近先响號炮遂以亂石拋擊當其魂蕩之際大兵隨後追剿寇其片甲無歸矣或接仗之前因夜先用毛牛

衛藏毛牛極多

束草於尾草

盡貫油以火燃之尾痛牛奔向寇隨以經鼓喇嘛念經之鼓極多插

之振之牛至寇亂大兵分路掩擊斷無不勝之理我兵既

勝必宜防其捨命還攻應即設伏繞其後路以分敵勢隨

在邀擊取勝必矣然金鼓旌旗最為緊要兵法云言不相聞故為鼓鐸視

不相見故為旌旗所以一而要知右白左蒼蒼為青色後

三軍之耳目最為切要黑前赤與夫中黃乃為五行之制天道之勝也邊地操防皆用綠營

旗幟然既有行操必宜五色兵法所謂左將蒼旗右將白

旗中使黃旗後軍用黑前軍用赤五行之制也又云如敵

從中軍突出則應之以左部青旗敵從離方來則應之以

後部黑旗敵從巽方來則應之以右部白旗敵從乾方來

則應之以前部紅旗敵從坎方來蓋天道五行怙恃大軍

而扶正靖逆者也倘敵寇盜賊亦知仿用此術則是謂之

逆天一定亡不待時矣凡為將者固宜深悉而必須號令

嚴明矢謹矢慎可保常勝且宜勝後益加謹慎也善始

何謂善始太平制銳所以練軍實而備緩急而緩急之始

又莫不以糗糧為急所謂善始也藏地無米惟產稞麥番

兵糴粃是食糗糧庶為易辦至於在藏綠營官兵平日所

食稻米皆由邊外布魯克巴等部采買運藏應用如有緩

急米買不及自應亦以糴粃為食乾隆五十三年

聖皇訓示

番兵既食糴粃其綠營官兵應即一律廩給所謂振廩

同食上下無異示與番兵同甘苦也從前運糧無不沿站

僱夫背運或僱驢騾馱運者固屬有濟然番民無多驢騾

有限倘有不濟則師不宿飽所關非細是平素之儲臨時
 之運不可不預為講求儘可備而不用也前藏糧臺例儲
 稞麥三千石共一萬九千餘克並布達拉碩內存貯達賴
 喇嘛之庄頭所納青稞五千克藏斗曰克其六克有奇足敷內地一石倘有緩急雖
 一時不能碾磨儘可發給噶布倫各世家及藏市出賣糶糶之家易其現有者應用是足衛藏各汛
 漢番官兵三月之食此外各處營官寨亦貯有達賴喇嘛
 之庄頭所納青稞昨經查明通共二萬九千二百餘克以
 之碾為糶糶是又足食三月有餘連前共計足食六月有
 餘乃知前任喇嘛薩瑪第巴克什之功矣設有不敷其班禪額爾德尼所屬之拉孜地方產糧較廣而前藏所屬之山南瓊結一帶直至工布達克布所產青稞素稱充裕倘或必須多備儘

可發價采買然各庄頭每年共交青稞四千四百餘克除
 備水旱偏災賑撫約需一半則再十年更可積二萬餘克
 是應駐藏大臣每年考查者數十年後在藏漢番官兵可
 得二年之儲誠有裨益况此項本係從前奉旨駐藏
 辦理商上事務之刺麻薩瑪第巴克什阿旺楚勒提木念
 灾荒之毫無儲備計在糧之稍有盈餘因令各庄頭以其
 每年例交商上之青稞若干克內十克扣存一克就近各
 交營官存貯以備應用誠謂美政茲已立案任任俱可稽
 查復令於所交青稞十分內以一分折收料豆並貯營官寨內以備官差喂馬之需譬之敵於仲夏
 入寇蓋濟瀆聶拉木以內地氣寒慄而陽布終年溫煖雨
 早入亦不敢久羈我之境中則我兵邀擊追剿約需兩月
 計其窺伺不過在仲夏間耳可抵陽布廓爾喀巢穴名陽布聞得壬子年大兵進剿時
 爽更易既至即可因糧於敵廓爾喀王本部兵民有限所
 聞得該王建塔原估七年竣工而現在嚴催以五年期於
 是百姓深為苦累且巴勒布向皆貿易因有家貲進等夷

商現亦多困苦累而潛逸他鄉是民心失矣該王之叔一名巴都爾薩野一名瑪木薩野皆其幹事者該王弗克信用以致巴都爾薩野忿悶而斃而瑪木薩野竟自率兵五百逃往第里巴又即甲噶爾部是骨月離矣况其所用之噶箕皆非舊時之人無一能結民心者料其不入則已即或其入則我兵進發之際飛檄先為通行曉諭其眾示知除暴安民之義孰不箪食壺漿以迎王師故敢期以因糧於敵此特泛論武備謹為交代而書固非真欲用兵若恃為無恐又我輩以搗穴擒渠振旅旋藏而計之約需所宜戒而又戒者也

百三十日現儲六月之糧固有餘也尚有所謂仲科爾世卡隘者雖有自行裹帶更可以此儲既備矣運宜籌也前酌給口糧則必感激盡心所事耳

藏所屬草地有哈喇烏蘇有陽巴并有瑪爾江有那木魯有那克藏有波絨巴有薩喀皆有毛牛按道理之遠近僱覓數千頭不獨載糧及鉛彈火藥一切輜重且可為沿邊

隨在戰陣之具夜用火年更可價買數百以為軍食既至濟隴其境則牛不能行然路近矣儘可裹糧而進先以牛肉是炙乾搗碎每兵裹帶一筋足食半月實可以養人助氣

行兵善始以糗糧為急故略記而書之雖然兵凶器戰危事非逞勝也其廓爾喀果能世世銜感

天朝再造之德而與唐古忒恆久和睦夫復用兵何為况荒夷

言語字句素多粗陋倘其小有不順自應善為解釋教以恭順之道如戊申辛亥之役綠達賴刺麻商上舊鑄銀錢錢成色雖低藏內久行並無滯礙乃廓爾喀於乾隆五十三六等年以其所販銀錢成色較高意欲以一當兩當一個半行使因之起衅當時若即詳切曉諭當不如此嗣後倘有從旁翹其形跡不軌者不妨即行檄詢其故諭以利害並為推其實無不軌之事反復開導則必傾誠稟訴原委並深感服因之更中教飭而撫慰之固可以安民息事

若黑白不分率議征進既失字小之道且非所以仰體
聖皇覆育恩施准其投誠之意然安不忘危兵不可弛是太平之
日正講武之時傳曰有備無患此之謂也

西藏圖考卷之八

楚南黃沛翹壽菩甫手輯

滇南李培榮華廷甫付梓

楚南陳兼善元卿甫同校

西藏藝文考

毛振翮西征記翮成都人官雲南阿迷州知州

西藏僻在荒徼乃川陝滇三省極邊接壤之區古號西竺

教化不及異域也我

其時達賴已五世矣非初置也

聖祖仁皇帝置達賴喇嘛於茲號為活佛化誨西方亦神道設教
之意更立噶隆阿爾布巴經理外事相為表裏是為前藏

西藏圖考卷之八
界連逆番準噶爾地故

封康濟鼐爲貝子

授頗羅鼐爲札薩克台吉彈壓邊疆以番禦番法至良也前後兩藏倚實唇齒世世子孫宜勿相害乃

皇上頒發印綬遠錫康濟鼐阿爾布巴妬其勝已遂誘殺之更滅其族且欲竝頗羅鼐而謀之頗羅鼐探得康濟鼐死於前藏遂率番兵來攻阿爾布巴爲康濟鼐復仇日尋干戈蹂躪兩地

皇上軫念唐古特民人赫然震怒爰整六師於雍正五年十一月七日

上諭議政王大臣派西秦滿漢兵八千四百川兵四千滇兵二千三路交進三省督撫大臣各隨營預備軍餉數十萬以供接濟十二月二十一日鄂制軍復准部咨運籌悉備於六年正月二十日題奏先於本月初九日委劄治糧察木多三千三百餘里溜索偏橋流沙積雪種種驚心不可指屈抵察臺後收前交胡士克圖米一千二百一十一石甸墩運至米二千石及眾番日往見則大沛

恩膏頻加優賚舉寺喇嘛咸拜

大皇帝之賜也迨後自劍至墩十六臺自墩至察二十六臺亦漸次安設撥兵四百二十每臺分兵十名以速運務而開化

西番圖考卷之八
南總戎帥三千滇兵從劍出口復帶土弁兵二百五十名
以爲嚮導周衛堂元戎統四千川兵由瀘抵察與南總戎
會時頗羅鼐已聚阿里後藏九千番眾由浪噶子楊八景
等五路前來於五月二十六日圍布達拉別蚌各寺喇嘛
等憤怒思欲復康濟鼐之仇乃不敢自擅靜候官兵其遵
奉

天朝之義甚屬可嘉周元戎兵五百安設臺站東自乍了西連
藏地馳送文檄復分川兵五百餘隨營護運軍餉於六月
二十二日先統川兵一千名從草地兼程前去令川兵二
千於次日繼發留駐類烏齊鎮兵二千亦於二十七日俱

發留駐洛隆宗蓋因藏信遙傳安否難決未安再爲飛調
已安免致勞師也時川省總理西藏糧務劉公駐鑪自鑪
及藏若裡塘巴塘乍了昌都洛隆宗說板多拉里西招處
處貯糧至察木多路通六詔壤接三巴係羣番之要隘西
藏之咽喉蜀商滇客輻輳而至漢彝雜處多滋繁擾呼吸
相應大費經營乃以南總戎統滇兵一千坐鎮於此遙爲
犄角總戎馭兵有方寬嚴竝用營壘帖然而貯察餉餘八
萬糧積三千按月供支頗無違誤迨後周元戎於七月十
八日兵次墨竹卡河口接准尙書查公咨住候西兵查公
暨都統邁公領西秦滿漢兵八千四百經西甯西海於六

月二十七日次木魯烏蘇會商西兵除安臺一千八百留駐哈布秦插漢哈達二千外餘隨西甯周總戎運送本折軍需按程緩進遂選滿漢健兵二千於七月三日自木魯烏蘇先發七月下旬川陝兩路兵合八月一日共抵西藏將士如雲旗旌蔽野不事揚兵而西招逆賊早俯首聽誅矣及查公邁公提訊阿爾布巴隆布奈劄納奈等宏宣帝命大暢軍威定斬絞十七人伏法餘悉擬南徙聚番眾曉之曰若輩罪在不宥天甯爾土用彰大罰盡滅羣兇功德豈有涯哉番曰微

天朝賜不至此阿爾布巴茶毒有年復欲鯨吞西土謀殺康濟

竄罪大惡極今既伏誅舉藏人民得安衽席蠻氣掃蕩佛境清甯新立噶隆維持藏事頗羅龜復仇倡義奉揚

聖武西天半壁實所倚賴

上賜三萬帑金用勞數千番部獎賚優渥曠古未聞至善後事宜周邁諸公仍留兵駐藏籌畫至詳且密查公於十一月二十六日傳檄凱旋留察之丁太守撥餉四萬交餉收貯亦率護餉兵官連營南歸遂宣

聖旨謂達賴喇嘛曰佛本清淨諸番擾害

朕眷顧實殷遷置格達城妥佛也其速往諸查公暨都統馬公等前後分營共帶滿漢川陝兵四千六百餘護其行經四十

西雍圖考卷之八
四日抵察住持察寺之阿德那們罕胡土克圖恭迎道左
跪投哈達番目昌諸壩下率捏爾巴達吉郎夜哇等俯伏
聽命奔走靡甯喇嘛排肩擁路狃狃男婦觀者如堵以此
徵佛法之在西域入人深而服人遠也旋於次日啟行向
格達城指麾奠定從容措施此皆仰賴

廟算神奇超越千古又奉

新旨令川省任總戎統官兵二千駐鎮裡塘護持格達俾佛教振
興西陲一帶喇嘛狃狃皆得瞻慈雲以求度脫息殺機而
生善念邊境長享牧甯之福庶不負我

聖祖仁皇帝柔遠愛人至意用恭記其畧以備採風云

查禮西域行序

詩稿散佚僅傳其
序錄此以俟搜輯

蜀之西南土司白餘種均襲長官司職而瞻對一部與西
北路之三果羅克跡時出為盜乾隆乙丑策果毅公等奉
命剿伏未裂其土於後盜風復熾今年五月乃至裡塘宣撫土司
十六部落土兵萬餘以威西域之行

王我師藏鑪總記

按西藏天文星之次井鬼之分野明號烏斯藏唐之吐蕃
地其縱橫連屬者南界雲南怒江北界西甯河源西極後
藏業爾欽之沙漠東直達於打箭鑪以近界而論東止於
甯靜山界碑朗著特收其租賦各有喇嘛專管實斷自洛

隆宗爲分限也觀夫邊域之風土天氣凝寒地氣瘠薄千山雪壓六月霜飛石多田少五穀難成閒有粟黍豆菽之產者僅藏地巴塘彈丸區耳至如數萬里之部落與芻牧毳幕各種類惟藉青稞一物麪名糌粑併牛羊酥酪以供朝夕第糌粑性熱酥酪滑膩苟非瑞草茗芽幾無以生軀命惟茶商聚於西鑪番眾往來交易以是成爲通衢也自康熙五十八年安設塘站以鑪爲始總計裡塘巴塘乍丫昌都洛隆宗說板多拉里前抵西藏此官兵倉儲地共計八十七站若鑪石出自霍耳之甘孜墨爾格至納奪抵昌都盡屬草地再由恩達至類伍齊亦大道也過江達橋由

銅頂至墨竹工卡合路進藏至如西甯進藏之路由青海自瑣里麻白燕哈利左折入郎嗟玉樹過河由畢利當阿以至甯塘南成可至察木多若由白燕哈利過拉布其圖河木魯烏蘇盡屬黑帳房草地至黨木熱貢八箇塔羊八景抵藏再考松潘自黃勝關出口由郭羅克阿樹雜竹卡至竹浪過河亦會瑣里麻與西甯路同雲南進藏者由塔城關過溜通江由大小雪山直至察木多至於後藏之遼闊由札什倫布通阿里白布布魯克巴卽與生番喇丹接準噶界再過初布寺剛吉拉愈荒渺矣彙攷山經不能瑣計細別河流亦難窮源惟取其要隘之區橋梁之險者以

定其控扼之防也惟彼昌都原稱前藏兩河環遶雙橋高架實爲西藏之門戶嘉玉一橋最爲緊要若拉里玉樹係其咽喉工布長江堪爲保障再則類伍齊適姜黨之橋與唐姑蘇之鐵索橋皆須設防者又如哈拉烏蘇界比西甯皮船爲渡與彭多宗鐵索橋非拒守不可者再觀正北之要隘皆通準噶之要路所喜冬則積雪難行夏則水草維艱復多瘴癘豈非天設之險乎惟滕格腦兒兵可四應他如通後藏之聲息克里野噶藏胡又松根阿脚等處獨羊八景口子新橋之守可稱握要更兼普羅鼉重鎮阿里復有朱兒嗎徹登鎮守西南接連諸番以控西北再於甲爾

撒鐵索橋而固守之所謂得地利以順天時集人和以甯邊塞則萬億斯年熙皞於光天化日中矣雖風氣不齊土物多異自沐

聖澤之

滂流頗覺回心而革面由茲政教頻加潛移默化將見棄刀劍而習禮樂釋梵貝而誦詩書矣以蠡窺之淺見識疆域之宏寬永誌併包無外少備邊方之參考也

王我師藏鑪述異記

藏鑪何再記乎記異也藏鑪何異乎緣夫天地山川民風物態無一不異也故記之當其朝旭曠曠碧空如洗不瞬息而風雨迷離陰霾欲墜寒色侵肌可匝旬而晴暉清朗

西華圖考卷之八
火靚則冰雹流行駟見而嚴霜不隕此天時晦明之異也
平原曠野棄爲芻牧荒區砂磧巉崖爭作耕種麥隴一綫
溪流奔騰洶湧磅礴驚天數里平岡細草疊茵空虛若甕
山川土田之異也不於是乎見男蓬頭婦跣足無父母之
親甥舅之戚竭夫婦生平力積畢世數金資卽一碗一杓
死之日兒女不敢受悉爲喇嘛有男女家室從自便卽有
議婚者必請之喇嘛納聘金父母不與焉娶之以一女字
一男者爲可鄙合昆季三四而聯牀焉始稱和氣於不衰
惟裡塘數處子婦必冠銀髻一夫者一枚有戴三四者卽
知爲手足相同也若夫雲南中甸塌城關分界之朋子欄

聚地拉皮昌波直連六玉玻璃所謂巴塘南天半壁者此
數隅內產粳稻生豆麥雞豚鵝鴨咸備更聞碉樓中有牀
棹碗碟雖男子佩刀戴環無異而婦女知櫛髮垂辮知沐
面在番人又以爲異也阿敦子外另有一種婦女面刺藍
花額中顴上爲主母顴下者爲婢妾總以花文精粗定其
妍媸也此予雍正四年冬往彼分界時目擊者更可異者
無分僧俗考終後卜之喇嘛宜水葬者投之河宜棄者委
諸野宜火者焚之不宜葬者留於室惟天葬者眞令人駭
目驚心也負屍於山延喇嘛數眾剝割細碎焚信香一枝
卽有大鷗鷹飛集飼之盡則狂喜若留些微則云未能脫

化精淨也又有風乾一類不化不毀懸於牆壁間如傀儡
狀此西鑪俗也他處無之噫夫妻父子之倫婚姻死葬之
禮竟如是焉異乎否乎再卽物類之異者言之惟騾馬也
無所異牛有犏牛犛牛之不同然牛之負犁也不披於肩
而縛於角其驢也小如犬其犬也大如豹有兔焉色異如
鶩有羊焉色異如麋寒鴉不巢林木依人牆壁間喙足俱
赤如鸚鵡狀抑又有烏鴉一種大如鴿鷓其聲婉轉似新
鶯可聽溪魚亦肥土人呼爲龍種小口細鱗金色赤尾皮
厚如牛革臙腑誤食之令人嘔逆昏瞶外則瓦雀嘈嘈千
百爲羣繚繞几案間其他無所異其他一無所異者其他

一無所有也

李菊圃西域述記序

禹貢治州有九而梁州不與焉國風一十有五而蜀不與
焉蓋蜀初號南國其後并於秦是始終乎國風者也但疆
域山川惟蜀最險三面臨番虞外蠻巢碣樓鬼國男婦悍
頑行坐佩刀凶惡之狀終莫能化也按蜀載藩封白蠶叢
闢國界分中邊東南敘永馬湖烏蒙黃郎等處羌獯西南
建昌越巂黎雅瞻對等處洞蠻西北金川威茂保縣松潘
之士番動輒犯邊勞軍剿撫以迄蜀漢良相諸葛武侯尙
貽羌氏之威至唐太宗以文成公主下降西域封藏王贊

普爲駙馬則籌邊建樓設關嚴禦而南北兩宋以至元明
邊陲未得寧靜軍民不安枕席皆謂諸種土番爲西川之
隱禍也

聖朝撫育萬方際天所覆國無內外悉臣悉民是以日月所照
之域星辰躔度之區無物不霑雨露之澤矣我

皇上嗣統乘乾明目達聰咨嶽訪牧惇德允元柔遠能邇故四海
清寧永享無疆之福萬邦輸賦共樂

堯天盛世下庇四夷歡頌昇平之休也而成都西南有前後中
三藏爲四川所屬相去八千餘里唐儀鳳西域志三藏雖
在邊遠而邊外 有諸國諸國之外不知更有幾百萬里

之遙但夷人智愚不同出產美惡亦異世界之大疆域之
遙人不能盡到目不能盡見必須羣覽史籍考據精詳然
後可以知其大概矣夫乾坤氣運至公無私天之所覆地
之所載六合之內四海之外照之以日月經之以星辰潤
之以雨露滋之以生物計之以時節要之以太歲皆天地
化育之區神靈所生之域故孔子云西方有聖人無爲而
治卽今西藏招地生佛之域也我朝

清膺景運泰和翔洽

聖天子九重端拱海宴河清四方遙遠來賓來貢者不憚梯山航
海之勞悉中心悅而誠服也總因

歷聖相承天地為心日月為目

恩同九有

德遍遐荒化自古未化之族闢從前未闢之疆凡稟血氣者莫不

尊親猗歟休哉而人民之眾多地方之遠大金湯鞏固遐

邇一體歷古帝王未有如斯之盛也

按菊圃蜀僧李姓鼎州人游歷三藏有年

著有西域述記八卷其書已散佚不存僅得所自為述記序如此

王我師墨竹工卡記

墨竹工卡者自康熙五十九年始歸版圖地本西番今仍隸藏番民僅二百八十八戶且地無大山深壑似無足但其界東接額噶南通桑野西連得慶北距潘多所轄水

巴與潘多接壤為西海要隘且北有二河一自末戎分流一自潘多分流東有一河由鹿馬山下至拉孜合北流歸入藏江其源俱出哈拉烏蘇而設渡在於八木地方通達子宗為西海要津則水陸扼要可不預為設防哉而所轄臨欽里與江達之鹿馬山頂計程一百五十里乃額噶土司所轄頗羅鼐亦委營官於額噶地方在大道之南一百二十里往來差使江達承當磊遠塘站額噶分派此疆界之當清者可無記乎雖土地薄弱而風氣和暖冬無凜慄之嚴寒夏無薰蒸之酷暑耕種芻牧各安生業殆亦平善之區也

王我師得慶記

按得慶地無大山俗同西藏惟東北有河其源發自哈拉烏蘇其流由工卡得慶達藏江歸入工布大江彝人用皮舟直抵於藏藏又名招得慶四至東界曲宇交納木南界谷卡交桑野西界獨桑交蔡里北界格里交達置東西距三十八里南北距二十五里蓋一彈丸區耳其歸入版圖也康熙五十九年始今則仍隸於西藏雖地處褊小不可不記之

和甯西藏賦注

公號泰安改名瑛乾隆五十九年駐藏此賦刊於嘉慶二年川省有賦無注屢訪不獲擬註亦不果適文大臣碩奉命駐藏道出成都與談甚洽出此見示亟錄以付

梓註內間有增減一是集已載即不重出一原註有未詳者茲引佛經字典增註之非敢臆斷也

粵坤維之奧域實井絡之南阡西藏乃坤維極遠之地按

八宿中度數最多者在陝西四風來閩闔曰躍虞淵八風

川分野推之當在井宿之南

日閩闔風今藏地西南風最多若東風非雨即雪○斗杓

淮南子曰在虞淵是為黃昏今藏地曰西垂景最長

東偃月竈西聯四時觀北斗祇見其半人在其右通

地廣五竺名沿三危詳卷首○天竺國有東西南北中五

之訛也吐蕃別種突厥流延吐蕃種詳源流考○西藏皆

厥之遺種也其名突厥者以其先世居西域之金山工於

鐵作以金山狀如兜鍪俗呼兜鍪為突厥因為國號今考

唐古特及青海各番其帽狀如鐵釜高屋短沿上綴紅纓

與兜鍪同是其證也○烏斯二字合讀與衛字合音又拉

薩者番語拉山也薩地也蓋山中之平地俗云佛地烏斯

也古所云邏沙云羅娑云樂些者與拉薩音相近也

舊號拉薩今傳其地四圍皆山南北百六十里其陽則牛魔僧格

攀雲蔽天札拉羅布俯麓環川前藏南面山高二百餘丈

僧格拉山唐古特謂獅曰僧格以山形似獅故名與僧格

拉相連者名札拉山又西名羅布嶺岡藏布江遶其下西

流江北岸平野叢林開砌池沼達賴刺麻歲其陰則浪蕩

於伏後秋初下山澡浴於此住月餘乃還山

色拉精金韞其淵根柏洞噶神螺現其巔前藏北面山名

半其東名色拉山唐古特謂金曰色山曰拉以山產金故

名又根柏山為布達拉北屏障其西北三十里相連名洞

噶拉山高四百餘丈唐古特謂海左腳孜而奔巴仰青龍

螺曰洞噶以山形似海螺故名

於角箕之宿前藏東北脚孜拉山極高峻山背建時正寺

巴以山形似瓶故名東方右登龍而聶黨伏白虎於奎觜

七宿曰角亢氏房心尾箕

之躔前藏西三十里名登龍岡過大橋折西南名聶黨山

山勢陡峻有通後藏大道西方七宿曰奎婁胃昂畢

觜夷庚達乎四維羌蠻兌矣西南通江孜赴後藏大道西

喇烏蘇赴西甯大道東南通江達拉呈卦打鐵圍周乎百

箭爐大道左傳以塞夷庚注往來要道也

里城郭天然四面崇山峻嶺不施草木聳轟如城藏布衍

功德之水布達拉河自東而西南流名藏布江又有噶爾

水一澄淨二清冷三甘美四輕軟五機楮湧智慧之泉機

潤澤六安和七除饑渴八長養諸根建琉璃橋其水澄澈

河發北山下自東北經布達拉前上建琉璃橋其道河也

拉薩田苗資其灌溉古特謂水曰楮一曰機言一道河也

云巍巍七寶山常出智慧泉池映祿康插木於後布達

有池周約四五里中築高臺上建八角琉璃閣三層中峰

供龍王為祈雨處唐古特謂龍曰祿故祿康插木名之

擁磨盤筆洞於前布達拉西南孤峯聳出名招拉筆洞上

山上建關聖帝君廟山陽建刺麻寺乾隆六十年普陀中

賜號衛藏永安寺為濟隴胡圖克圖焚修之所

藝文考下

西藏圖考卷之八

突布達名焉

普陀詳前藏程站及布達拉註

厥維沙伽吐

巴綽爾濟傳寫貝多

唐古特謂釋伽牟尼佛曰沙伽吐

來孜格陀羅尼降攝妖魔

唐古特謂觀音菩薩曰江來孜

謂持善不失持惡不

泥梨速昭五戒也佛家有五戒不殺

不偷盜不淫邪聞思修入三摩

三摩提譯言正心正性處謂

入三聚頑石而點頭風行身毒

十道四蕃志生公異僧竺

無信者乃聚頑石為徒與談至理石皆點頭

○史記大宛

傳大夏東南有身毒國注索隱曰身音乾毒如字孟康云

天竺

法華經云天四十二章流傳震旦

括地志王舍國有靈鷲

石室佛坐其中天帝釋以四十二事問佛一一以指畫石

蓋西域稱中國之名又考漢明帝三十二相化本修羅

佛按時白馬馱經即四十二章經也

成三十二又意根中修無住無為二行故共成三十二也

梵語修多羅譯言契經也凡佛所說之經皆契理契機之

教也原注訓佛氏以修羅為經梵語也究未得解必取修

多羅之義方合否則阿修羅遂有宗喀巴雪竇潛修金輪

懺悔明番僧宗喀巴名羅布藏札克巴生於永樂十五年

苦行著穆隆經穆隆佛號甲勒瓦宗喀巴在大雪山修

者即今之摩羅木也無上空稱刺麻繙改佛行者曰德

上又曰無上土謂空也唐古特謂持團墮之益披忍辱之

豈釋氏團墮言食墮在鉢中也梵言儻茶波又曰儻茶夜

食之益音窺鉢也忍辱鎧袈裟紫穢韜光黃冠耀采宗喀

也又名離塵服又名清瘦衣薩迦開第一義天宗喀巴初

紫衣其受戒時染僧帽諸色不成惟黃色立成遂名黃教

經於薩迦廟之胡圖克圖乃元時帕思巴之後為紅帽教
 之宗布達拉經簿載其為仁育菩薩之後人也其教有家
 室生子後坐床掌教不復近家室矣其始祖名昆貢確嘉
 卜通達經典見薩迦溝之奔布山風脈佳勝欲創建廟宇
 向業主乞售業主乃施舍其地不取直遂建廟供釋迦牟
 尼佛附近土地民人廟宇僧眾皆其所屬世代相傳至今
 七百餘年其廟平地起閣周牆甚固中殿楹柱皆古樹三
 人合抱高三丈餘不加雕飾其皮節文理如生樹然又有
 海螺堅白如玉左旋紋向明吹之背現觀音像寺僧寶之
 又有藏經數萬卷架函充棟廟北依山僧樓梵宇約數千
 間亦有浮屠金殿供諸佛像皆紅帽刺麻居之其所誦
 經與黃教無異西南通拉孜大道山南通野人國界拉
 薩漲其三昧海宗喀巴修行既成其教大興最盛於前藏
 定也凡佛經言今拉薩各廟咸供其像龍象遊於沙門傳燈錄水
 海取深廣之義龍象遊於沙門傳燈錄水中行象力大負荷大法者
 比之衣鉢傳諸自在傳燈錄釋迦佛生四十九年將金縷
 龍象初祖達摩杭海東來傳至六祖惠能以後即不傳天祖傳至
 初祖達摩杭海東來傳至六祖惠能以後即不傳天祖傳至
 注傳衣乃西域屈晦布緝木棉花心織成者佛書嘗言

自在法門此達賴傳宗班禪分宰達賴班禪世系詳源擬北山

之二聖化西土於千載也魏書僧法度法紹游學北山綜

世時號北山二聖云於是金妝寶像玉綴珠聯示相如來本今皆覺

道院集本覺為如今覺為來也按金剛經如來者現身

無所從來亦無所去故名如來疏云如其所本來也現身

菩薩普濟為緣釋典菩薩也薩濟也言能普濟眾生按

拈花仗劍之殊觀金剛救度金剛力士皆努目仗劍若

五臺二嶺之異品曼殊普賢五臺清涼山文殊菩薩四

殊曼德木楚克乃陰陽之秘密佛也雅滿達噶實心性之真

筌護法也桑堆滿座佛也天王接肩天王之像蓋奇顏譎狀

累萬盈千名不可以殫述義不可以言傳也其寺則兩招

建自唐朝豐碑轟轟藏王綽爾濟松贊噶木布迎唐公主之女拜木薩為妾唐公主帶來釋迦牟尼佛像拜木薩帶來墨珠多爾濟佛像藏王擇地興建大招供奉之大招門前有唐德宗時和親盟碑**萬善興於公主古柳娟娟**古柳二株相填海架梁西開梵宇唐公主下此地為妖女傳植自唐時填海架梁西開梵宇經簿拉薩地乃海子也仰面之形海子乃妖女心血是為海眼須將海眼填塞上修廟宇如蓮花形乃得吉祥藏王遂興工將海子四面用石堆砌海眼中忽現出石塔三層用石拋擊然後用木接蓋其空隙處鑄銅淋滿海眼平涸時有龍王獻洋船式樣用石堆之大招始成至今一千八百四十餘年坐東向西樓高四層上有金殿五座闌干瓦片皆銅胎溜金左廊下有唐公主藏王松贊噶木布及巴勒布玉女拜木薩之像東南隅有甲噶爾僧拜拉木像燃燈供奉神靈赫著番人敬畏之內藏古軍器烏鎗有長八九尺至一丈者弓釵箭袋亦甚長大殿內有明萬曆時大監楊英所立碑廟前壁上繪唐元奘法師**背山起閣東望雲天**取經師徒四人像小招在大招北半里許地名喇木契

坐西向東背布達拉樓高三層上有金殿一座唐公主建公主悲思中國故東向內供墨珠多爾濟佛或云內有塑像乃唐公主肉身座**烏革翬飛範金作瓦**殿上金瓦蓮花上書默寂能仁四字**地湧眾鐵為簾**門前掛鐵網以為簾**不盡燈銅缸酥點無碍香鵲尾螺煎禪關寂寂梵唄淵淵佛心無漏於恆沙奚止九百六十**佛書心竅九百六十毛孔八萬四千按佛法以無漏為上乘猶言無盡無餘之義佛祖嘗以恒河沙數為喻**法會皈依於獅座能容三萬二千**每年孟春集刺麻三萬餘眾在大招誦摩羅木經名曰攢招維摩經文殊師利來見其室中無有床坐維摩現神通力須彌燈王遣三萬二千獅子座來入維摩方丈**爾乃桑鳶色拉別蚌甘丹**前藏四大寺**垂仲神巫木鹿經壇**均詳卷之五**沙彌班第尊者阿難駢頭羅狄釘坐團團醍醐夕瓮麩朝盤禮雪巖之彌勒拜海嶼之旃**

檀鎖鎖阿闍寶供珠龕

初六切音攝出字統阿闍佛名彌

陀佛經東方有阿闍佛名羅伏音裸頗曲腰行也

沙碎麥也玉耶阿魁雨集雲曇釋典玉耶佛經

刻楮鏤蛤雕蛙噪牟尼髓語和南火宅居塞夷兩頭

陀住前後三三番禹記僧有室家者名火宅僧梵書優婆

一也頭陀者抖擻也言抖擻凡塵也衍六通之法謂騁

六通之神驥乘五衍之安車○按佛經疏六通一天眼通

播五印之談五印度佛國名唐扶詩云沙彌去學五印度

五印心陀羅尼為解所謂心皆由創三身之偈誦傳燈錄

三身者清淨法身汝之行也若悟三身即名四智啟四大之

伽藍也梵書圓覺以地水火風為四大釋氏要覽梵語云

生植道木聖果之義今考衛若夫達賴之居於布達拉也

唐吐蕃王綽爾濟松贊噶木布好善信佛頭頂納塔葉佛

薩恐有外侮遂修布達拉城垣上掛刀鎗以嚴防禦後因

藏王莽松作亂經官兵折毀僅存觀音堂一座至五輩達

賴刺麻掌管佛教兼理民間事務立白寨又有代辦事

務之桑結嘉木磋修立紅寨又內外房屋金殿佛像重修

至今一百四十四餘年平樓十三層盤磴而上有金殿三座

下有金塔五座西殿有宗喀巴手印世為達賴刺麻坐

所豐冠山之層磧輿轉螺之架閣浩劫盤空埤坭錯落

路轉千迷之道心入摩提梁書曇鸞見梁武帝於殿中曲

千迷道也何乃一度遂爾無迷也○人登百丈之梯神棲

佛書一切禪定攝心者皆云三摩提人登百丈之梯神棲

般若新吳百丈山懷海禪師創立清規今禪門妙高峯頂

依此○梵書般若音鉢惹猶言智慧也

遠著聲聞

文殊師利言南方有國名勝樂有山名妙高峯

離垢幢前近銷魔惡

有一菩薩名離垢幢食則麥屑

根

糲粃飲則鳩盤牛酪茶塊衣則黃毳紫駝居則彩霞丹

獲優鉢淨瓶玉盃金杓三旛比以離離百玩燦其愕愕

孫

空二也觀三也言三幡雖殊能消令為一同歸於無也須

菩提譯語將將

高須菩提亦佛弟子乃道闍黎耶念咩各各

寺內番僧日念咩

兜羅哈達訊檀越如何唐古特禮凡賓

檀越施主也檀謂能施越謂能越貧窮海也

富珠禮神

答蘭奢遮莫

隆五十八年奉旨欽差駐藏大臣與達

賴刺麻係屬平等不必瞻禮欽此以後皆賓主相接也

元文宗時以西僧年札克喇實為帝師大臣俯伏進觴帝

師不為動惟國子祭酒富珠禮神舉觴立進曰帝師釋迦

之徒天下僧人師也孔子之徒天下儒人師也請各不

為禮帝師笑而起舉山無蜂子投窗高僧傳古靈行脚回

適有蜂子投窗求出古靈曰世

塔有孟婆振鐸孟婆風鹿

野華池雞園花萼浴象游魚語鸚舞鶴靜觀撫序頑空即

是真空

梵書貴真空不貴頑空頑空與物皆春行樂豈如

勝樂

梵書行樂不如苦住富客班禪之居於札什倫布也

招提結蟹螯之穴祖山依龍背之陽

後藏寺名札什倫布

珠巴所建其寺依山麓起閣山形如蟹螯夾抱其後山自

西北來蜿蜒隆突如蜀棧之龍洞背也樓高四層上有金

殿三座亦係金瓦宏敞壯麗為班禪額爾德

沙明遠岸

尼坐床之所番僧必於此山朝禮為受大戒

其地

平做曠達南北六七十里

雪冒連岡其北大山後又有崇

東西百餘里遠山為岸也

巖峻嶺冬夏積雪不

消智水環流浪紆徐而練淨其東有大江自南入東北山後幻峯園野

形苑窳以綿長其西山勢遠巨西北達金刹青鴛占仍仲

甯翁之脈舊志此寺名仍石門寶塔韞額爾德尼之光其下

有地穴前數輩班禪圓寂月晝隱而故躔留寸絲不掛蘇

坡題佛滅度吳畫詩云隱如寒樹秋凋而真實在拳棗應

嘗涅槃經娑羅林中有一樹一百年其樹皮膚枝葉悉皆

孤山寺西夜餒甚有梵僧顧空探囊出一棗大如拳曰食

之者上智知過去未來事下智止知前生事耳空因啖棗

枕石而臥乃悟既無生而無滅爰非壽而非殤懷璉焚乎

龍腦圓澤識夫錦襜蘇東坡宸奎閣碑廬山僧懷璉持律

日吾法以戈鐵食此鉢非法也僧圓澤傳李源居洛與

圓澤約遊青城峨帽至南浦見婦人錦襜負罌而汲者澤

望而泣曰吾當為此婦人子孕三歲矣今既見無可逃者

後十二年仲秋夜月杭州天竺寺外當與公相見至暮澤

亡而婦乳後十二年源自洛至吳赴其約聞葛洪川有牧

童扣牛角而歌乃圓澤也源問澤公健否答曰李公眞信

土然俗緣未盡肩浮戒衲之緣事非悠謬高僧傳天竺辨

慎勿相近也漢字無象杭之於潛人生而左掌握明珠之觀說豈荒唐

肩肉起袈裟緣八十一日乃滅掌握明珠之觀說豈荒唐

傳燈錄廿四祖師比邱有長者引一子曰此子生當便覺

拳左手願聞宿因師以手接曰還我珠來童子遽開手奉

珠師曰吾前生有童子名婆舍吾赴西刀劍一揮禪座詎

海齋受襯珠付之今見還矣遂爲法嗣刀劍一揮禪座詎

傷乎法濟金衣兩設邪人何畏乎初昌乾隆五十六年廓

班禪移住前藏賊入札什倫布掠財物以歸高僧傳法

濟大師名洪諱姓吳烏城人遇黃巢之亂偏帥率千人

而見師宴坐不起以劍揮禪座者再師神思湛然乃異之

獻金寶再拜而去今禪座尚在二劍跡猶存六祖傳衣

不正只負汝金不負汝命張驚法嗣橫枝聲傳絕幕
 家旁出謂之橫一枝黃梅謂道信大師還竺輝生道場
 七年五月班禪額爾德尼仍還札什倫布住錫○蘇子由
 辨才塔碑沈公邁治杭以師住天竺靈感觀音院有僧靈
 捷者奪而有之遷師於下天竺又逐師於潛逾年而捷敗
 復以上天竺與師趙公抃贊之曰師去天竺山空鬼哭天
 竺師歸道芻尼子之孟年已具食牛之量
 吞明暗二珠而孕一羅漢曰當生二子一即祖二即芻尼
 昔如來在雪山修煉芻尼巢於頂上佛成道芻尼受報為
 那提國王佛記曰汝後迦陵山之妙韻定知吞象之王
 與聖同脫今不爽矣迦陵山之妙韻定知吞象之王
 經疏迦陵水界仙禽在鳥卵殼中鳴音已壓眾鳥法華經
 偈頌聖主天中王迦陵頻迦聲注迦陵頻迦妙音鳥也鳥
 未出殼時即音微妙一切天人聲至於牙簡書名根塵寂
 皆不及惟佛音類之故以取名也至於牙簡書名根塵寂
 靜金瓶選佛意想空無自達賴班禪大小胡圖克圖沙布

勒罕金瓶詳源流考赤子徵祥字阿練曰呼畢勒罕冥祥記晉王珉
 若我後生得為此人子足矣頃之僧病卒珉生一子修因
 始能言便解外語及識外國珠故珉字之曰阿練修因
 智果號苾芻曰胡圖克圖善覺要覽僧曰苾芻注苾芻草
 聞不借日光故以喻出家人又名比丘今唐古特語名名
 格隆蓋戒僧也○唐古特稱胡圖克圖不迷性之謂也名
 冠元班練心擯影學通神講續祖希盧諾們罕轉全藏之
 祕奧蒙古語諸們經也罕沙布隴達一度之迷途修行未
 輩者一兩文咱特誦經聲音鳥噶音洪牛呼牟而駝鳴圖○按
 典音碣駝駝聲韓愈詩惟肥牛呼牟載實溫都遜
 駝鳴圖訓義牛之聲曰牟駝之鳴曰圖溫都遜
 石屏咒顯山入芥而海成酥廣輿記僧惠崇謁徑山欽法
 日吾坐後石屏能咒之令破否曰可堪布掌赤華佛事
 遂叱之石屏裂為三片今名喝石巖堪布掌赤華佛事
 西遊圖考卷之八 藝文考下

地漢僧之方丈**托音充香界浮圖**刺麻弟乃有歲琫森本巢釋門

之鳩鵲歲琫近侍之最**曲琫孜仲結法侶之鴛鴻**曲琫司

佛事孜仲服役及奉**卓尼爾効茶齋之奔走**司商上**羅藏**

差委各廟宇作佛會**娃司喉舌之異同**達賴刺麻前此皆持瓶堅子捧鉢財童

侍維摩於七寶等善覺之二空者也鶴林玉露裴休訪潭

有否師曰有一兩箇喚大空小空**爾其伏臘歲時演甘露**

化成之會釋典手把楊枝遍灑甘露水○法華經法華導

士眾前入化城中生**普門佛頂會瞿摩行像之期**元史世

已度想生安穩想佛國記僧伽藍名瞿摩帝是大乘學王所

敬重最先行像四月一日為始作四輪車如行殿其中菩

薩諸天神侍從散花燒香至十四日行像乃訖王及夫人乃還宮也**天神降而山鬼藏窮野**

人之伎倆佛燈錄道壽禪師在壽州三峯山有一野人作

多色伎倆惑人只消老人不見不**岡洞鳴而巴陵送誇幻**

術之離奇洞噶海螺也佐以鏡鼓長號岡洞人脛骨也吹

如火燄形除夕前一布達拉眾刺麻粧諸天神佛及二

十八宿像旋轉誦經又為人皮形鋪天井中央神鹿五鬼

及護法神往捉之末則排兵甲幡幢用火鎗送出布達山

下以除一歲之邪達賴刺麻御樓以觀四面環觀者男女

萬**此除夕之跳布札也履端肇瑞方丈延師展金渠之榻**

開花蘂之帷幢懸慢折按佛書折彼嬌慢**衲卷塵離羅閣粥儂茶**

波爛盈卸器按卸字典音口金飾**菴摩果**按菴摩羅

伊蒲饌粲設雕梳排舍衛之籠官魁頭膜拜按魁頭即椎

也**進梨軒之嗚末合掌思維搥乾蓮而唵葡萄感駢乳猊**

糖之惠嗽牢丸而噙炬救答狸奴白牯之施腥甌賦椀羊

脊牛脆麼醮大嚼掬溢歸遺吹顛人之雲簫○按顛字音淨說文好

貌樂工倡優弄人一日顛聲喧兜率○按兜率天宮舞佞童之月斧樂

奏侏僂此元旦之宴眾番也乃有挺身總險撒手飛繩正月

二日作飛繩戲從布達拉最高樓上繫長繩四條斜墜山下釘椿拴固一人在樓角手執白旗二唱番歌畢騎繩俯

身直下如是者三繩長三十餘丈後藏花寨子番民專習此技歲應一差免其餘徭內地緣竿踏繩不足觀也落

風鳶之一綫搏霜鶻於千層百尺竿頭誰進無窮之步九

重天上今超最上之乘復有平原馳騁角力爭能狷狄花

驄○按字典狷音通狷音柚泰喜與驚駘爭道渥洼名產

肯輸欵段曉鶻○山有獸名曰狷狷黑猿也各遣所屬唐古特在大招前拍馬馳騁先

到者抵戲翹關五指之神獅出現又番人舉重石並裸衣

為勝阿闍王令醉象蹋佛佛以慈善根力舒御風追日萬回之

其五指遂為五獅子兒醉象惶懼而退脚馬先登又番人於七八里外爭以步行跑遠以先到大

姓張嘯傲如狂唐武則天時賜萬回和尚錦袍玉帶厥惟

其兄戌安西師持信朝往夕返萬餘里故號萬回云元夕競尙燃燈煎萬戶之饒膏星流月偃耀百華之寶樹

霞蔚雲蒸青鸞彩鳳靈鷲仙鵬法象吼獅神光夜炳木牛

泥馬業火宵興琉璃世界點長明大千活佛堅固菴羅傳

不昧十萬高僧煙煤徹於重霄雲間沃雪灰燼餘於微道

地上銷冰此則太乙祠壇之伊始金吾弛禁之明徵也上元

張燈諸書以為沿漢祀太乙自昏至明今其遺事衛藏每歲正月十五夜達賴刺麻及各胡圖克圖噶布倫公台吉

等於大招四面各設彩燈以青稞麩捻成佛仙之像及鳥獸花卉各種供品燃以酥油照以松炬火光燭天如不夜城男女數萬縱遊徹曉其燈架高二三丈番僧團坐誦經其下蓋自孟春初吉卜達賴而啟行長住晨離望大招而爰處先期戒事步馬之鼓節雍容繼踵望塵塞巷之人羣延竚前驅伍陌備戕收鎧鉞之儀但馬旄頭夾旌節幡魔之侶翠葆遠翔孔雀降自天臺黃繖高耀金輪詣於佛所則有絳鞬赤幘白帽朱纓貂珥鷲纓毳衣蟒褚盼謙從之如雲映晨暉而若炬亦有峭頭胸腹露頂披肩犴老羌童賓男嫫女口灑灑而噤寒手林林而高舉俯地訝似伏章叩額連如春黍乞食於沙瓶國托鉢於斯飽眾於舍衛城其犍若許雁堂信宿桑門之法

供頻加鳥道由旬須達之布施可茹須達多佛國善人喜布施夥够十

方之眾千偈伽陀懋粲四梵之天按字典懋音悉放也粲音撒懋音悉放也

一錢投予賓頭盧之偏赴比戶逢春白脚僧之高閑阿誰

縛汝此波羅蜜之譯自古經摩羅木之訛於番語也孟春上旬

達賴刺麻下山赴大招住錫齊集遠近大小刺麻於大招各經堂誦經約三萬餘眾摩羅木唐古特語也漢人謂為攢招即宗喀巴之穆隆經會佛書之波羅蜜也○頭陀寺碑波羅蜜者猶言到彼岸也字典波羅蜜果名梵語也因此果味甘於焉毗盧會罷瑪尼功成托度於肉真人金繩故借喻之

覺路求福於木居士寶輦行城邁達裝嚴螺髮偏單而磊

落垂忠作態兜鍪比甲而崢嶸雷門鞞鞞其逸響按字典鞞音

闕擊鼓也銅角嗚嗚其長鳴哮囉雜吼梵貝喧聲杜多拍鈸衲

子敲鉦乾松吐瑞於憑霄辟邪稱賀方帛紛披於拉木大

壤羣賡

攢招佛事畢則出大小刺麻邁達爾佛即彌勒佛載以四輪車數百人曳之垂仲裝束為之先導繞

大招一匝番人爭掛哈達漢名轉字乃有克馬魔王厥號羅公甲布鮮毒龍

之技角抵觸而虛驕乏醉象之能鼻拗轉而不悟棄田廬

之訛寢欲登摩竭之城逞狼虎之鴟張思斫菩提之樹昧

羊跪之生全

陳書王固傳清虛寡慾居喪以孝聞又崇信佛法嘗聘於西魏因宴饗之際請停殺一羊

前跪拜

枉鹿趨之保護

梁書何允傳允嘗禁殺有虞雞卵人逐鹿鹿徑趨允伏而不動

呼大士之音

宣室志唐文宗命有司詔中外罷緇徒說佛書義詔命將行會尚食廚吏修御膳以鼎烹

雞卵方燃火忽聞鼎中有聲極微迫而聽之乃羣卵呼觀世音菩薩也吏異之具以聞翼日勅尚食吏無以雞卵為膳因頒詔州郡各於精舍中塑觀世音菩薩像

鵲巢避金剛之塑 洛陽伽藍記修梵寺有金剛像

鳩鵲不入巢投之六花皆赤卓錫如飛答以再擲全么輸山

不住

二月下旬送羅公甲布相傳牛魔王作祟與達賴刺麻爭布達拉是日一人扮作達賴刺麻坐於大招門

前一人扮作牛魔王服羊裘反衣作不服狀乃與達賴刺麻賭擲骰子達賴刺麻一擲成六牛魔王一擲成么再擲

又么為輸卻布達拉乃觀者齊手揶揄力者合聲攫捕無

患之棒若林

古今注拾樵木一名無患木昔有神巫名寶

木為鬼所畏故名無患也無孔之椎如注 語錄古禪師曰無心即是道如寒灰死火枯木石頭又似

一箇無雷轟轟兮火礮冲霄塵塵分童山隱霧 於是雷

孔鐵椎牛魔王刺麻誦經施放鳥鎗番眾隨之送過藏河逃至南

山乃止。按塵字典音枚塵也楚辭九懷霾土忽兮塵塵

爾乃香阜清霄蒼生安穩掛三禪之繡佛日慧雲慈現十

丈之金身風行草偃陳寶叢林獻花翠巘畢切齊 能書滴

金壺之墨紀勝會於龍華朱爾亥曉時衍玉氎之文卜法

遊於鹿苑三月初一日布達拉懸掛大佛二軸悉以彩緞

幡幢奇形怪狀鼓吹遶行布達又盡出大招庫貯寶供樂器

拉謂之亮寶一春佛事乃畢也爰修被禊厥兆初秋南依

江湫北望山陬擔夯行腳按夯字典呼講切人用力以

悅遊湖南見衲子擔籠行腳者悅呵曰自堅舉物黃龍南和尚曰昔同文

家閨閣物不肯放下反累及他人擔夯芻合前騶

典音答芻按拂廬星布支炷雲稠盈箱麥豆比櫛維婁嚴更

夜警稱妮外游祇園精舍大士瀛洲帛和掛錫乞士巢鳩

霞天繡幄錦地花溝清涼入榭大願維舟意樹心花歲進

佛桑之供異名記佛桑其花丹重敷柔澤葉如桑花五六

光所燦凝為出大如蜀葵有蕊一條長如花葉上綴金屑日

焰朝生暮落喜園忍草人欣衣影之留伽藍記水東有佛

烏場國行化龍王瞋怒興大風雨佛僧迦梨表裏通溼雨

止佛在石下東面而坐晒袈裟年歲雖久彪炳若新條縫

縷亦彰明見細即此悟因處泥滓而不染楞嚴經十六開士白佛

水因既不洗塵亦不洗言我等於浴僧時忽悟

體中間安然得無所有本來無垢入濁水以何求

甚麼卻洗師曰空水瑩然徹浴此無垢人一指頭禪灌頂

心則淵源徹底高僧傳有僧過天龍天龍豎一指僧大悟

不盡四大海水入毛孔則宇宙浮漚維摩經以四大海水入

彼本相大海如故唐古特俗夏秋之交無論男女羣浴

於藏布江之汜以被除癘疫布達拉西南十五里名羅卜

嶺岡藏布江北岸密樹周阿綠苔曲徑中有方池石甃引

江水注之達賴刺麻每歲下山澡浴於此羣僧誦經於外

噶廈噶布倫領四方之政治權居岳牧之尊

噶布倫四名總理通藏錢穀刑

名兵馬及陞調大小番目悉稟於

欽定章程內外番目議給三品至

止乾隆五十八年

欽定章程內外番目議給三品至

七品頂戴噶布倫係三品銜歲支

俸銀緞疋由京理藩院按年支領

倉儲巴綜五庫之藏儲

職等金倉之掌

商卓特巴俗名倉儲巴係四

品銜管理商上及大招商藏

粟徵科

即碩第巴係五品銜管理地方欲

收錢糧其辦事之公所名曰碩釋

業爾倉巴廩糈

給養

亦係五品銜管理

支給各僧眾口糧

浪孜轄稽市井之奇袤

薩地面

亦係五品銜

聽番民詞訟

卓尼奔走

及刑名

脇爾邦聽聞閭之直枉

亦係五品銜

密

侶維勤

係六品銜

供雜職事

孜琿會要漆書無爽

本司版戶之登

係五品銜掌

番民戶口冊

達本任馬閑之長

第巴分治於外寨厥品維三

分管各寨落地地方事務即營

官也分大中小三等缺大第

巴五品中第巴六品小

第巴七品俱依次陞調

中譯書記於公衙其階有兩

司書

算者大中譯六品

寫計

銜小中譯七品銜

其治兵古創軌里連鄉之制今有戴如

甲定之名壯獠科頭團三千之勁旅瞎巴噶矢分五百之

屯營習之以步伐止齊表之以旗旄旌刃鍛矛礪干比

戈稱射侯破的長垛飛棚一鼓兩甄江濤卷浪五花九子

火陣連城奈國提陀作一夫當關之氣仁祠菩薩稱百年

不用之兵

戴琿四品如琿五品甲琿六品定琿七品其額

設番兵三千名前藏駐劄一千後藏駐劄一千

綠營將備隨時一律操演其人民疆域之殊也圖伯特其

舊名唐古特其今號地闊坤兌之隅疆拓西南之奧其西

鍋拉納都畢納石蓄森森

爾自札什倫布西行由拉孜魯噶

鍋拉納山都畢納山一帶均設立鄂博此為洛敏湯作木朗二部落境熱索橋鐵索橋江流

澳澳境自宗喀通濟隴至熱索橋設立鄂博此外為廓爾喀

爾喀丈結雅納之巔波底羊瑪之隩設立鄂博此外為哲

孟雄境自拉孜至絨轄通波底山頂設立鄂博此外為哲

孟雄境自定結至薩熱喀山一帶羊瑪山頂設立鄂博此

外為哲噶猛谷帕哩獨經日納宗竹巴同好帕哩自帕克

哩至支木山一帶噶猛谷日納宗官寨此外為其西南帕

爾結隆業朗鳥道難通西南至布魯克巴廓爾喀二部落

與布魯克巴交界山川險阻難以出入一由業爾奇木樣

納山業朗地方至結隆與哲孟雄宗里口交界一由業爾

斯卡祿納山業郎塞爾咱義阿布瀾滄人煙可到自怒江

交廓爾喀界亦甚險阻其南貉翁茹巴食人狍札拉

北咱義桑昂卻宗瀾滄各處至阿布拉通南墩大道

噶押天險怒江南至貉翁茹巴怒江為界又名老卡契番

大山至松布堡過宋噶拉大山至押噶交藏江至怒江江

闊數里兩岸石壁峭立中流湍急不可以舟楫其地名工

布其東南春奔邊卡古樹金塘東南由前藏朗陸山轉出

塘草地古樹邊卡至春奔色入類其東南墩分界寧靜朝

伍齊番部境內可通察木多大道其東北南稱巴

陽自前藏至南墩計行程二千五百里其東北南稱巴

延之邊西甯草地木魯烏蘇之渡玉樹冰岡所屬之那木

稱巴延番族為界由前藏北行十五里向色拉山之東過

鍋拉山至浪蕩由隆竹松過彭多河有鐵索橋由腳孜拉

山崎正寺僧頂工至木魯烏蘇通青海西甯大道又由其

玉樹接西甯松潘泰甯三處大道又通洛隆宗類伍齊其

北羊八井噶勒丹噶爾藏骨岔乃青海屬番之界前藏西

羊八井口至新橋平川西通後藏東接噶勒丹其西北克

北行草地至木魯烏蘇噶爾藏骨岔交青海界

哩野納克產騰格哩諾爾乃達木游牧之場

西北俱係草地有克哩野

大小納克產隘口北通哈真得卜特爾其東接玉樹界又由羊八井至桑托羅海越紅塔爾小山過拉納根山即騰格里諾爾蒙古語天池也乃達木蒙古游牧之處又由吉札布至僧格物角隘口東北至噶勒藏骨岔阿勒坦諾爾一帶皆塔斯頭難行經沙雅爾小回城過木蘇爾達巴罕通準噶爾境又由後藏西北至阿里城交拉達克罕庫努

也所屬八方界址其風俗政令之殊也減凶辰而閏日

曆真奇 藏中朱爾亥如初一日初二初三初二日凶則減去

傳河西燉煌人善天文算數據云別正朔以為年梵書考

傳自西域○按毘字典音非尾切最其正朔與中國不同止有八大節其交節之日亦前後

云木牛丙寅火虎丁卯火兔戊辰土龍已巳土蛇庚午鐵

馬辛未鐵羊壬申水猴癸酉水雞以理絕人區事由天外

此推之亦六十甲子仍用天干也

貴少賤老沿成羅漢之名 赤雅貴少賤老染髮剃鬚喜厭

死輕生誤墮尸陀之害 西藏人死棄尸不埋佛經有出家

則茶毗成灰 刺麻死用火焚燒砌石塔藏之茶毗燒在家

則碎剗成膾 藏俗天葬地葬水葬火葬相沿已久乾隆五

埋葬其風稍息畏天花而棄子如遺 藏地小兒向不出痘

然未能盡革也出痘者遂棄之荒山僻野凍餒而死其俗甚慘自乾隆五

十九年勸諭達賴刺麻指贊於離藏幽僻處所建蓋房間

供給糈粃酥茶以資撫養又派妥幹番目信烏鬼而妖言

如繪 唐古特俗傳信鬼三男共女罔有後先 兄弟兩三人

妻為其和也關中語謂十戶養僧勢難沙汰 古人云十戶

妯娌為先後見昌黎詩

此就中國而言耳若藏地民戶飲食不識烹飪疾病不親

不過十萬刺麻則有三十萬也

蕭艾優婆夷之錦繡金銀優婆塞之瓔珠照貝

飾也連貝飾頸生之年願乾沒於僧牢死之日盡輸將於

佛會也且頭會箕斂累及牛驢屋粟口錢禍延婦子布帛

粟米力役撲地齊征耗土雁戶凶年彌天追比

又重民多逃散皆營官第巴剝削重稅及鵝卵楊花

征所致乾隆六十年嚴明立禁革除

主國用不足民間鵝卵生波濤華雨水

雙子柳條結絮皆取稅錢

納松明以其可為炬或曰請併月禁斷尤好

申漸高嘗與曲宴因天久無雨烈祖曰四郊之外皆言雨

足惟都城百里之地亢旱何也漸高曰雨怕抽稅不敢入

城異日市征之令咸有損除

折錢征比歲輒數萬乃有別蚌行商纏頭居市

嘉慶元年槩予刪減

赴藏貿易藏中貨則珊瑚松石蜜蠟青金蠟珠之奇采玉

亦有安家室者

文貝琉璃瑪瑙象牙之美氎毳毯之精

即氎毳也氎音榻登音登亦即

氎毳也氎音榻登音登亦即

毳布麻桌茶塊充閭銀錢遍里

往乾隆五十八年

自行鑄造乾隆寶藏錢文由川省派文員監鑄

天藏女池鹽晶瀉鹵

金屑流華

所屬地名此處所

製紅黃香最沈速

鉛錫有自雲南來者

封貯風松脂檀末苦庫唵巴

吹即飛

吉祥書帶 吉祥草如著草而多細杖直上如穗 紫茜紅花 色深黃名曰藏草蒙古人以此供佛

馬蘭牛舌羊草蘆葭木則松柏珍貴 西則濟隴東則工布多松柏樹他處不植

楊柳叔牙 楊柳最盛種類不一 胡桃結核火榴綻葩 山南帕克哩多有之花則

牡丹傲雪 牡丹惟白色者甚香 桃杏鋪霞 色拉寺別蚌寺五月開亦有紫色者

剪秋羅幽芳露滴 色淺紫瓣如鋸齒香 虞美人妙舞風斜 如桂番人名纏頭花

此花最盛有 黃白紅紫色 罌粟盤盛玉盃之雲子萬壽菊披金粟之袈 紫白色俱有

葵開旌節之花 花大如盤莖七八尺高黃色結子可食又 石竹映文章之草 大如錢五出 蜀

蜀葵也又有金盞 名向日蓮又有二種大小紫色如旌節者 果則長生競掬 形如小螺生地中絳色

熟拌糖食之甚甘達 賴刺麻以此菓相敬 百合紛拏 似薤頭而甘色白與內地無異番人初不知可食今

方掘 售焉 毛桃流液酸橘軟牙蘋婆似卵哀梨比櫨穀則青稞

大麥 糲粳俱以青稞麵為之故多種 秬稻香秠 稻米產布魯克 蔴烏米扁

芝蔴多黑色者山南 種之扁米出廓爾喀 蠶綠豌頰蔬則菠薐夏脆菘葉秋榮

王瓜架綴萑苳畦盈 按字典萑苳音倭巨菜名 蔥挺蒜抱韭帶葵英

○按字典葵音綏菜名 芹釵菡穗 原刻作苜蓿字訛 茄癢芠瑛辣

冰萊蕪甜玉蔓菁禽則曲水宿鴻 前藏西南行二日地名 羊卓鵝鳧

此處 避寒 南山翔鶴 前藏東四十里 羊卓鵝鳧 過巴則嶺即羊

中多天 濟隴雕鸞 寺住黃鴛 似鴨而大色黃能

樓榭俗名 頂巢鳩鵲烏鬼號空 大嘴老 高飛必雙翔水食

刺麻鴛鴦 頂巢鳩鵲烏鬼號空 大嘴老 高飛必雙翔水食

不打 洋雞味朱 綠脰長距朱喙生澤中 雪雞羽鱗 雞大如

牲也 洋雞味朱 綠脰長距朱喙生澤中 雪雞羽鱗 雞大如

西苑圖考卷之八

藝文考下

三

如雪可食象鼻鷹長五六寸如肉鼻時赤時紫時白

魚鷹扁喙黑羽紋如魚雉頭鴨脚雄雞劣弱南以陽微陰

哩始蟄燕藏燕灰色早秋即蟄中雄雞劣弱南以陽微陰

也鸚鵡聲蠻山南工布一帶多鷓鴣客惡自四五月飛林

抄聽鳩門前羅雀獸則獐羊獬犬蕃馬犛牛騎驢禪覓登傳

錄參禪有二病一是騎驢覓驢一是騎驢覓驢藏中

不肯下注不解即心是佛真是騎驢覓驢跨騾神留護法

最稱神驗狼豹為贊鹿豕與遊獐麇獵獲狝狝生囚野饒

狐兔家畜貓猴獅聞風於西海象負法於神州獅子出西

見也象本甲噶爾所產廓爾喀兩貢魚則慈音噴浪白海外未之

於京師達賴刺麻班禪亦各畜其二貢魚則慈音噴浪白土俗斑毛

小隨流白魚似細鱗蟲則蜻蜓鬧夏斑毛卜秋土俗斑毛

歲則其部落五百餘戶之蒙古駐自丹津青海蒙古王於

大熟時帶領官兵赴藏護衛留駐五百三十八戶在達木地游

牧協領八員佐領八員驍騎校八員聽駐藏大臣調遣丹

津蒙古王三十九族之吐蕃分從青海那木稱巴延等之

其名也其地為吐蕃之舊屬居四川西甯西藏之間昔為青海奴

隸自羅卜藏變亂之後漸次招撫雍正九年勘定界址近

西甯者四十族歸西甯都統管轄近西藏者三十九族

歸駐藏大臣管轄設總百戶散百長歲納貢馬銀兩其

西阿咱游手於邊陲拉其刺麻亦赴藏朝佛卡契精心於

賣買西域回部名克什米爾又名纏頭又名卡契以白布

延業楞庫木巴勒布之三罕藏西南行計程月餘其部名

喀所并今巴勒布在藏貿易有成家室住數噶畢諾彥林

輩者頭目二名管轄○詳源流考及外夷考噶畢諾彥林

親布魯巴之兩解藏南行程月餘其部布魯克巴其長名

西苑圖考卷之八 藝文考下

所分者○額訥克橫行梵字之源額訥特克國西南海中

詳外夷考額訥克額訥特克字譯甲噶爾平寫繙經之楷甲噶爾部落在南

為唐古特文也垂露文譯出唐古特字也其地能織金銀絲紗緞產孔雀

明成化時亂伽思蘭國進貢即此地也亂音伽又名亂馬

天拜木戎賽爾之一綫纜通舊志由前藏至後藏賽爾地

今考西南外番并無白木戎之名乃知白布纏身者作木

朗也披藏細偏單者巴勒布也通宗哩口子者哲孟雄也

哲孟雄臧曲之千家尙駭後藏西南邊外一小部落其地

河北岸迤東作木朗唇亡齒寒後藏西南邊外一小部落

三處寨落也喀所并今與後藏洛敏湯皮存毛在其地為廓爾喀所并

以熱索橋為界庫努屏藩即布魯特在阿哩之西界其地與甲噶爾廓爾

庫努屏藩喀兩部落交界其部長名熱咱烏爾古生嘉慶

元年二月遣拉達邑宰阿里之西小部第哩巴察人隔重

人赴藏通好落名拉達克罕

洋西南微外一大國也日噶噶達日披楞日阿咱拉皆其

所屬乾隆五十七年廓爾喀侵犯藏境求伊助兵該部

長果爾那爾覆云我國人常在廣東作買賣蒙大皇

帝看待恩典甚厚豈肯幫汝與唐古特打仗得罪天朝

詞嚴義正曾通噶哩噶達道通近載各部落約百日可到

信於達賴刺麻惟廓爾喀之投誠乃唐古特之樂愷後藏西南邊外其地

并巴勒布之舊城也天氣和暖產稻穀花菓其王名拉特

納巴都爾自乾隆大軍進剿震懾天威投誠恭順每五

年一次遣噶箕頭人等其東工布達布江達險憑隘口前

赴京恭進表貢東南七百四十里名工布達布二隘口雍正四年將江達

地方仍隸西藏委第巴二名管轄其地去成都五千七百

三十五里東至拉哩四百五十里波密拉里邊壩隸屬西

憑山依谷地氣溫暖守險要區也招工布江達東南行十五日名上波密係甘南木第巴管

之本籍也拉里在達隆西北七百三十里其地兩山危峻

在碩板多之南二百九十里自拉里大山根至碩板多之

其地二山橫跨四水環襟藏東遼闊之區也 碩板多之

么膺宰桑就獲 碩板多四山環繞二水 洛隆宗之孔道第

巴輸徭 類伍齊之西南原隸西藏東至察木多 類伍齊紅

帽之流土城寺建 察木多西北草地進藏之路也築土為

圖克圖居之雍正年間頒給印信其印文曰協理黃教諾

們罕之印乃清字蒙古字唐古特字三譯象文類伍齊亦

供應 察木多三藏之一喀木名遙 西至類伍齊二百二十

昔屬闡教胡圖克圖掌管康熙五十八年頒給帕克巴拉

胡圖克圖諾們罕之印亦係三譯篆文其印文曰闡講黃

教額爾德尼第巴諾們罕之印其二胡圖克圖號錫瓦拉

三胡圖克圖號甲喇克大小寺院五十座刺麻四千五百

名百姓七千六百餘戶其俗崇信浮屠生子半為刺麻其

地則層巒疊嶂怪岫奇峰乃西藏之門戶古所云康云喀

木者即此合前後衛藏為三藏俗名 乍了多盜 察木多東

昌都也其投誠番地隸之者二十處 乍了多盜 察木多東

地三山環偪二水交騰窮僻荒涼 桑艾為梟 阿足塘東至

其俗樂劫好鬪婚姻多不由禮 巴塘授宣撫之司二山界定 西

名桑艾巴番部其人凶狠 巴塘授宣撫之司二山界定 西

好劫奪行旅俗名夾壩云 巴塘授宣撫之司二山界定 西

藏界舊屬喇藏罕雍正四年會勘界址分歸滇歸川歸藏

疆界南墩適中有寧靜山於山頂建立界碑又喜松工山

與達拉山兩界山頂亦立界石山以內均為巴塘所屬山

以外為西藏所屬雍正七年將巴塘土官札什彭楚克授

為宣撫司大頭人阿旺林沁授為副土官頒給印信號紙

有土目二十五名大小頭人四百二十六名每年上納折銀八

千一百五十五戶刺麻九千四百八十八名長官司七名 禮

三千二百兩零所管轄安撫司十一名長官司七名 禮

塘屬營官之長五寨塵消 打箭爐之西六百五十里西至

交明正司界西至諾噶哩布察多交瓦述土司界南至唾

杓竹交雲南中甸界北至雄熱泥交瞻對界雍正七年頒

給正副營官印信安奔授為宣撫司康確嘉木磋授為副

土官瓦述崇喜毛丫毛茂丫長坦曲登授土百戶世代承

襲各給印信號紙其戶口六千五百二十九戶刺麻三千

八百四十九名歲輸貢賦其管轄地方大小三十六處

近瞻對之族

上中下三瞻對夾壩多出於此

達中甸之苗

通中甸雲南打麗江府屬苗

箭爐雪嶂重開嚴四川之門戶明正司衣冠內附樹六詔

之風標

昔為南詔地去成都西南一千二十里東西徑六

邊土司界一百二十里西至瞻對抵熱泥塘界五百二十

里南至雅隆江中渡交裡塘界二百八十里北至小金川

滄江界四百八十里東南至冕寧縣五百里西南至喇滾抵瀾

旺甲木參向化歸誠授為長河西魚通寧遠軍民宣慰使

司頒給印信號紙一國朝因之其宣撫司管轄十三鍋莊

番民約束新附土司及土千百戶五十六員上納貢馬徵

解雜糧其明正宣慰使司管轄安撫司六土千戶一土百

戶四名 其山川岡底斯鬱其岩堯兮西條山之祖脈

名山大 阿耨達森其濫漫兮南幹水之真源

水相傳為王母瑤池是也梵 達木珠而朗卜切兮象與馬

書所云四大水者此其源也

之番語

岡底斯之東有泉流出名達木珠喀巴普達木珠

形似馬故名岡底斯南有泉流出名朗卜切喀巴普朗

卜切者象也以山形似象故名此東南二大水之源也

格喀而瑪卜伽兮獅孔雀其譯言

岡底斯之北有泉流出

名僧格喀巴普僧格者

獅子也以山形似獅名也岡底斯之西有泉流出名瑪卜

伽喀巴普瑪卜伽者孔雀以山形似孔雀名也此西北二

大水之源也 通拉之罡風烈烈兮彌勒之神通具現

後藏西南行十二日又自定日西行二十餘里上通拉大

山其山巔風勁異常怪石陡崖偏坡溜沙長百餘里相傳

彌勒與達摩在 帕甲之石洞杳杳兮達摩之胼跡猶存

此口絕頂鬪法 楚經脇噶爾而環繞

紫日山彭楚 達結佳納寫聶拉木而

山迤西聶拉木境內名帕甲嶺有刺麻寺寺旁有

石洞洞上之隙透光內有達摩坐像乃面壁處也 紫日彭

楚經脇噶爾而環繞 納汝克喀表其連岡兮維定日之保

達爾結嶺佳納 西藏圖考卷之八

藝文考下

障 定日沿邊山杏撒熱卡欽其疊嶂兮乃定結之屏藩定自

名納汝克卡 結通杏撒熱卡山甘壩登洛納而雪消兮 定日之南名甘壩通洛納山地

此外為哲孟雄境 氣稍暖亦哲孟雄境 帕哩上支木而日暄甘壩之東名帕克哩天和地暖產稻穀花菓通支木

山臧猛谷此外 擦木卡之煦嫗兮煖谷人煙簇簇滾達卓

亦哲孟雄境 之地有卡名擦木有長橋三座為藏界保障由此西行山明水秀其瀑布更勝於打箭爐之頭道水林木參天直抵濟隴天時温煖稻畦遍野一歲再熟由濟隴

西南行計程十日可抵廓爾喀之陽布城也 甲錯嶺之澤

汝兮炎天雪嶂昏昏過拉孜一站至甲錯嶺五六月間重

氣令人作喘約百二十里東望積 雪插空忽聞雷聲乃雪塊消落也 鞏湯薩爾江納常桑之

迤邐兮由宗喀之元仗鞏湯薩爾山在宗喀薩爾山赴薩迦

常浪卡日蚌拉古碩布之絡繹兮周後藏之四垠札什倫

及北有浪卡山日蚌山拉古隆岡堅兮天王劍躍岡堅山

古山碩布巴拉山皆圍後藏也 岡堅兮天王劍躍由札什

倫布西行一日山陽有岡堅寺內供騾子天王像相傳天

王除藏中妖賊時手劍一揮千人頭盡落成神於此至今

奉為 護法 拉耳兮羅漢經翻札什倫布西行三十里山根有拉

收貯全藏經板又有小銅塔內藏舍利斜長寸許如牙黃

色又有古銅鉢徑尺餘以手摩之聲如長號又有水晶柱

杖羅漢履云古羅漢所遺 札什納雅之踔躑兮彭錯嶺之

險奇鸚鵡札什岡納雅山赴彭錯嶺大道嶺極險 札洞日

洞之拱伏兮甘布拉之名著崑崙札克洞山日洞山赴巴

甘布拉古 噶如路轉於宜椒兮望多爾濟帕姆之寺噶如

稱西崑崙 宜椒東溝口望多爾濟帕姆宮在海子東岸山麓 甘壩嶺

世有女胡圖克圖居之其海子名曰洋卓雍錯海 踰於巴則兮直洋卓雍錯海之門此海本名雅木魯克玉

里周岸行四十八日其中有三大山一日密納巴一日鴉波土一日桑里其水時白時黑或成五彩過甘布拉嶺沿海岸經白地亞喜浪噶孜始進宜

椒山口二百餘里僅其西北角耳麻哩噶布之拗折兮黑羽拉兮

之水西山極峭峻巴圖鄂色之高捫登龍岡之西黑羽拉兮

江水環流其下雪窖前藏之西積克哩野兮沙屯前藏西北途長淤沙積

至草地過巴延圖河皆大山難行克哩野沙羽克岡兮連

者烏鴉也蒙古語其地多大鵞烏鴉故名喇根拉之北障皆前藏

山郎路山皆前藏東北山也噶勒丹山俗乳牛郎路兮接噶勒丹而東奔牛乳

名甘丹山前藏正東噶勒丹寺之後山也札洋宗兮札古

前藏山南行二日山名札洋宗上建多爾濟札古寺附近

桑鸞寺在札洋宗山頂寺內有洞高二千餘丈○詳卷之

五鍋噶拉兮奈園前藏南山在桑鸞鹽池兮浩浩阿里達

皆陸海兮法法自札什倫布西至阿哩夏澎湃澄泓兮凹

站一日補泥海在宗喀赴薩迦溝大道一日甲木海在熱

隴一日廓拉海在星克宗一日春良諾爾在前藏北九日

氤氳沸煥兮野突泉温唐古特謂温泉曰熱水塘一在前

南薩迦溝之咱拉普一在熱隴一在拉哩一在巴塘東惟

裡塘之温泉有三一在裡塘西十里一在裡塘南二十里

一在刺麻羊熱水塘汎三泉之水四時常温內有紅蟲長

二三寸有患瘡疾者浴之即愈彼處番人珍重之一在打

箭爐東南五十里榆林工爾其卓書特之西鄙兮大金沙

地方水性温暖能除積疾之神龍衍達木楚克之派兮成雅魯藏布之江舊卓書特

里北大金沙江唐古特名雅受東西南北之源源兮會岡

魯藏布江○詳名山大川考繞班禪之

布彭楚之雙雙彭楚藏布江均詳名山大川考

法座兮環達賴之禪幢納百川兮逕羅喀布占之界入南

淳海淀

唐古特凡淳水處皆曰海子凡泉皆曰海眼一日

氤氳沸煥兮野突泉温

唐古特謂温泉曰熱水塘一在前

之神龍衍達木楚克之派兮成雅魯藏布之江

舊卓書特

布彭楚之雙雙

彭楚藏布江均詳名山大川考

法座兮環達賴之禪幢納百川兮逕羅喀布占之界入南

海兮由額訥特克之邦雅魯藏布江自達木楚克環迴往復達前後藏幾及萬里而入南海

有岡噶之涪湏兮出阿里之崆峒發達賴而浮湍兮合麻

楮而始泮乃達克喇之分支兮經作木朗而流淙岡噶江詳名

山考喀喇烏蘇兮流沙之黑水布哈鄂模兮雍望之嘉湖

喀喇烏蘇自前藏東北行十日皮船可渡其源為布哈鄂模下流為數池又為喀喇池水色黑即古雍望之嘉湖也

湖瀾滄之上游兮古鹿石之名區會鄂木楮而水盛兮繞

察木多而流紆瀾滄江詳名山大川考其源出古和甸之鹿石山又會鄂木楮河水出察木多廟前

金沙兮木魯烏蘇色楮兮俄隆拜圖金沙江上源番名色楮河蒙古稱木魯烏

蘇舊志言源出俄隆拜圖者乃鄂倫巴都爾山也

敘府之大江兮甯番入於馬湖雅龍江在裡塘界有中渡者乃鄂倫巴都爾山也雅龍之三渡兮中渡界乎川爐

雲南中甸地由甯番會金沙若夫喇哩險滑喇里山北接玉樹乃通青海要

道海要濯拉崢嶸瓦子山俗呼濯拉山距江塘二日程魯工雪頂魯工拉山去拉里一日

丹達冰城丹達山本名沙貢拉有冰雪門行人蜿而上過閻王塢寒甚無風乃可過也朔馬風

烈胡馬拉山即寶瓦合山鐵凹霄撐鐵凹大山去洛隆宗九十里鼻奔足窘瓦合

魂驚鼻奔山根瓦合山均詳程站乍丫雨撒寒瘴交并阿足石板夾壩

淨甯黎樹江卡惡站吞聲古樹莽里毒阱巖坑乍丫雨撒阿足石

板黎樹江卡古樹莽里皆地名詳程站

大朔鬼哭三壩山鳴大朔即古度朔山其地多鬼

阿拉柏桑銀海迷盲阿拉柏桑山在裡塘西南二十里折多提茹藥氣如

醒折多提茹皆山名詳程站飛越穿雲飛越嶺雅州府屬詳內地程站笱竿懸雲笱

山名相公嶺以上自成都至藏奇險怪俗不能殫述也此皆赴三藏之要路駭孤旅

之前旌一自魚鳧通鹿馬萬重山裏萬重程也

附錄外夷考

藏東稍南界雲南屬之中甸維西二廳昔屬藏地東界四川屬之巴塘裡塘打箭爐古名康又名喀木地東北界青海古鮮卑吐谷渾吐番諸羌戎地正北與西北遠接和闐葉爾羌界和闐古于闐國葉爾羌古莎車國地昔屬回疆今改為州縣以上皆內地無庸贅述者也茲敘外夷自貉猯至克什米爾並布魯特以見守在四夷之道焉○其五印度等處歸英吉利者十之八九所轄地及連界地名大半從英語譯出其形勢較詳於曩昔姑取之

貉猯野人

古名羅喀布占國在藏地之南數千里其人荒野蠢頑不知佛教嘴剖數缺塗以五色性喜食鹽不耕不織穴處巢居冬衣獸皮夏衣木葉獵牲並捕諸毒蟲以食藏人呼之為老卡止凡犯死罪解赴怒江羣老卡止分而啖之○黃

西番圖考卷之八
三
林材之言曰自亞山以東巴塘以西江卡之南騰越之北
中間一段隔絕野番曠古以來人跡罕到其道里遠近無
從稽考然審其山川之脈絡推其經緯之度數廣袤不下
一千餘里山則重巒峭壁無可梯繩水則急溜奔瀧不任
舟筏其人穴居巢處生啖蛇蟲近英人以利誘之亦漸馴
服云

布魯克巴

布魯克巴一名布屯西界哲孟雄南界亞山東界貉翁野
人北界前後藏長一千餘里廣五六百里有唐時賜印其
文曰唐師國寶之印其地天道和暖產五穀俗重紅教刺

麻其會城曰塔西蘇登

西藏誌作札什曲宗

為藏商往來之孔道西

南距獨吉嶺二日程東北踰嶺三日程至帕克哩其北境
尚有數路可通前藏及工布等部雍正十年番罕諾彥林
親與所分番族噶畢構隙相仇噶畢力弱投奔頗羅鼐發
兵助之諾彥林親亦遣使於駐藏大臣處歸誠奏奉

諭旨

委員前赴適中之江則城解勸合取永和契印雍正十三年
噶畢束魯卜刺麻卒於是地土人民仍歸諾彥林親管轄
其不願還附諾彥林親之番民一百餘戶 奏明給與牛
種安插商納之江則地方後諾彥林親齊類拉卜齊赴藏
朝佛附譯奏書獻方物云

布魯克巴之南有英人新闢之地名亞山一曰阿賽密
在孟加拉之東北四境多山長一千餘里廣三四百里
不等惟蒲蘭布達江兩岸平壤沃饒居民由中國遷來
者皆老耄獏夷之族性行樸實勤力耕作崇信佛教英
人開闢其地種茶栽桑日臻富庶所產之茶約值十萬
金仿打箭爐川茶之式成砧成包由獨吉嶺運入藏中
脚費既省價值亦廉其首城曰若爾合得商賈雲集輪
船往來其南有路可通緬甸孟拱孟養而達於騰越徽
外約二十日行程然崇岡巒嶺崎嶇難行又東北有一路
歷怒夷狽夷至江卡而達於四川徽外之巴塘尤為險
阻人跡罕到其里數無可考蓋東北二面皆貉獠野人
境也

哲孟雄

哲孟雄部一名西金介於布魯克巴廓爾喀之間幅員百

里居民五六千南界獨吉嶺西藏之人來此通商其北境
有白木戎即朱巴作木朗諸小部落毘連後藏定結定日等

處地方

幅員百里據黃楸材日記所載

獨吉嶺一作大吉嶺約廣百餘里三垂高山天氣涼爽
西界廓爾喀北界哲孟雄東界布魯克巴為入藏孔道
土酋降附於英居民數百家語言風俗與唐古特相似
英人修築碉堡駐劄洋兵設領事一員其孟加拉副帥
每歲夏秋二季亦移駐於此富商大賈多建別堡以避
暑○西轄日記藏地稱英人曰披楞楞稱孟加拉曰甲噶
爾○康轄紀行廓部之西地名披楞楞其人自稱為噶哩
噶達即東印度中國所稱第哩巴察者即英吉利也

巴爾底薩雜爾

其地西通廓爾喀東接布魯克巴係噶哩噶達所屬小部
落噶哩噶達在甲噶爾各部中為最大之部落其北界連

廓爾喀當即今之印度是也乾隆五十八年廓爾喀進貢象馬由巴爾底薩雜爾部繞道行走其酋長供給護送甚

此部當在哲孟雄外今并歸於英地名待考

廓爾喀

廓爾喀一名泥泡耳藏人則稱為畢棒子本巴勒布即巴爾布

亦名別蚌又名陽布中一小部落其地正東自札格達至巴勒打拉

罕計程十日正南自巴爾布至尼諾忒克計程七日正西

至庫爾卡計程六日正北至西藏所管之濟隴城卡二日

舊分三部一曰布顏罕一曰葉楞罕一曰庫庫木罕於雍

正十年內附十三年三罕俱奉金葉表入

覲嗣為其族廓爾喀所并乾隆五十三年廓爾喀之酋長喇納巴

都爾既又兼并哲孟雄作木朗洛敏湯諸部落遂與西藏以交易滋事勞我

王師遠涉至脇噶爾始震讐投誠入貢至乾隆五十六年該酋長

復誘西藏噶布倫丹津班珠爾而執之遂稱兵由薩迦定日肆掠札什倫布而去

特命嘉勇公福康安超勇公海蘭察等討平之定貢期十二年一

次互詳源流考及藝文紀功碑至今猶為恭順○其國東界哲孟雄孟

加拉南界拜哈烏德國西界德列北界後藏長約二千餘

里廣四五百里不等其都城曰加得曼都即陽布古白布國也所屬

之地在南方則有那力丹巴若摩岡普爾若哈利哈普爾
在東方則有喀當若札言普爾若城丹支在西方則有馬
各得若廓爾喀若巴兒巴若卡薩皆通商繁盛之區迤北
一帶則峻峰疊嶂綿亘數千里統謂之希模黎雅大雪山
以上皆近日
所稱地名也

拜哈部一作巴哈爾東界孟加拉西界厄納特南界工
窪納北界泥泡耳長一千八百餘里所轄六郡○
烏德國一作澳地烏訥古揚摩羅國舍衛城即波斯匿
王所治也東界拜哈西界德列南界阿拉阿巴北界廓
爾喀長九百里廣五百里其都城名盧角腦建於幹得
江岸○德列部東界烏德國其東北屬境曰古摩雲距
後藏阿里甚近山林密居民無多東南有城曰巴勤
里為廓爾喀所據今讓歸於英

克什米爾

克什米爾食為北印度古罽賓國也唐書作迦濕彌羅元史
作乞石米耳皆一音之轉也昔屬塞哥國倫亞昇王所轄
後將本若一部割隸於英僅餘克什米耳其幅員尚二千
餘里東界後藏阿里西界阿富汗國南界本若部北界蔥
嶺其都城曰色令那加建於谷內四山環繞形勢險要國
富兵強民物繁庶新頭河即印度河上源曲抱其三面瀕河有屬
部曰辣達克古噉達國也懸渡在其境內東北至和闐東
南至阿里俱兩月餘程其人奉回教修髯偉貌遠遊服賈
南路八城及三藏之地處處有之藏人稱為纏頭回子因
其以白布纏頭也前藏設有大頭人三名後藏一名以為

管轄

附錄中國請經之僧往印度者有三道焉一由和闐南
行經毒龍池躡懸渡過沙河入罽賓國是為東道晉法
顯北魏慧生所行之程也一由伊犁西行歷霍罕至賽
馬爾罕折而東南踰鐵門渡縛芻河越興都哥士大雪
山入克什米耳是為西道唐元奘及元邱長春所行之
程也一由葉爾羌西南行循徙多河而上陟葱嶺至塞
勒庫兒泊再南踰印度河是為中道元奘歸途所經之
程也

布魯特 一作庫努特

布魯特分東西部古所謂塞王種也漢稱休循唐稱大小
勃律東部五西部十有五人貧而悍輕生重利喜虜掠奉
回教逐水草游牧無城郭東部在天山北準部之西南近
葱嶺每部長皆以鄂拓克為名乾隆二十三年內附西部

在天山南回部喀什哈爾城西北三百里道由鄂什踰葱
嶺而至其部落皆以額德格納部為酋長乾隆二十四年
內附兩部風俗皆同

右集八卷皆據人典實就我鍾鑪察其紀載之異同衡其
徵引之詳畧顏曰圖考所考不出乎圖體例然也首源流
以括總次審隘以籌防又次內地程站與篇末之外夷考
首尾相應亦沿邊圖所宜發揮者也中間藏程山川城池
寺廟等類博采旁搜仍刪繁就簡條理分晰脈絡貫通有
未盡者統歸於續考皆按圖而屬辭比事者也藝文上卷
湖法制之周詳下卷徵辭華之淵博與簡首

宸章同垂西藏之典冊焉此

浦翹

編輯之初衷也今

皇威遠播梯航重譯亘古未有統六合而計之將外洋直等籓
籬則衛藏猶爲階闥欲詳考核須竭蒐羅若腋成裘若珠

就貫有心人當不唯爲多事也夫時雕工告竣值吾楚廖
蓀塘大令秉鈞筮仕來蜀相與重加校勘畢書此以繫於
後沛翹自記

書後

本朝未定遼瀋一華夏以前西藏望氣知東方有
聖人出遣使獻琛間關萬里跋涉三年乃達東土
龍興之兆至是益著自時厥後我

朝視西藏如家人子弟扶顛持危興廢繼絕不惜重兵巨帑尋
常坐宋熬茶及駐藏換臺賞需烏拉軍馬糧餉爲數不可
臆計

聖神深謀遠慮非質儒淺衷所能測藏人亦務惇專壹數百年來
惟知尊奉

大皇帝不知有他有規與私通者則堅拒固閉誓不與外人通

竊謂我

朝億萬年有道之長占之西藏可也自來蓋臣鉅公八藏者類有撰述而松相國西招圖略最著家壽善於藏事極留意雖足跡未越丹達而旁搜博訪攷訂詳明所輯西藏圖考閱之若親歷其地業可謂勤志可謂遠矣惟願得是書者奉爲招攜懷遠之助無藉爲喜功開釁之資則不惟藏人之幸邊民之幸四川一隅之幸也敢陳腐詞敬告卽質之

天祖

社稷與藏衛之山川百神

雲鶴謹識

